

345/2  
1899

№ 14

საქართველოს  
საგარეო საქმეთა  
წიგნის განყოფილება

# საქართველო




გ. მ. მ. მ.


1899 აპრილი

შ ი ნ ა ა რ ს ი

უფრონალ „ჯეჯილისა“

I პირველი გაზაფხული ლექსი—სეზეგასი . . . . .	3
II მართალი კაცი (ისტორიული ამბავი) — გ. ბაჩნოვისა . . . . .	4
III ძველი თქმულება აღდგომის კვერცხებზე (ფრანგულიდან) — კნ. ანასტ. ამილასკრისა . . . . .	10
IV „ჩემი კერძი“ ამბავი—აფ. ბაჩნოვისა . . . . .	13
V გაზაფხული ლექსი—მ. ჯეჯილისა . . . . .	19
VI ნელლო და პატრაში მოთ. უილისა (დასასრული) თარგ. — ეფ. წყნეთისა . . . . .	20
VII პურის მარცვლები — ლუარსაბ ტყეშელაშვილისა . . . . .	33
VIII ახალი თევზისი (შემდეგი) — ეკ. მ - სს . . . . .	41
IX დედამიწა — გ. გამარტაშვილისა . . . . .	46
X ძველი საბერძნეთი (შემდეგი) თარგმანი — კოტეხისი . . . . .	52
XI პატარა სამზარეულო — ბეს. ვაშაძისა . . . . .	59
XII ორი მეცხვარე — აფ. მ - შვილისა . . . . .	59
XIII ვერის ყროყინი — ბეს. ვაშაძისა . . . . .	60
XIV წერილმანი: ანდაზები, გამოცანები, უჯრების ამოცანა, შა- რადა, რებუსი და სხვა . . . . .	61





ს ა ქ მ ე ა წ ვ ი ლ ო ნ ა ხ ა ტ ე ბ ი ა ნ ი

ქ უ რ ნ ა ლ ი

102

იზარდე, მწვანე ჯეჯილო.  
დაპურდი, განდი ყანაოი.  
ი. დ.

№ IV

წელიწადი მეათე

ტ ბ ი ლ ი ს ი


სტამბა ტ. გ. როჭინანცისა ||| Тип. Т. М. Ротинианца. Гол. пр., д. № 41.  
1899.

Дозволено цензурою Тифлисъ, 30-го Апрѣля 1899 года.

---



პირველი გაზაფხული.



ვამ გვალირსა წვიმის ცვარი,  
გაიწმინდა აწ-კი ჰაფა;  
აგერ იამ ბუჩქის ძირი  
როგორ გააკოპწიფა!

სულ ყვაფილათ გარდაიქცა  
ჭალები და ბალი-ბაღა;  
ტყე შებზინდა საამტრათ,  
ველს გადევრა მწვანე ფარჩა.

მთა და ბარმა გაიღვიძა,  
ისმის სიმღერა და სტვენა...  
სულმა იგრძნო ნეტარება,  
ცოტათ გულმაც დაისვენა!

ზეზეა-



საქართველოს  
ბიბლიოთეკის  
ქართული  
ბიბლიოთეკა

საქართველოს  
ბიბლიოთეკის  
ბიბლიოთეკა

16861

## ბატონი კაცნი.

(ისტორიული ამბავი).



რჩილ კახთბატონის დროს ცხოვრებდა მეფის კარს გამოჩენილი ვინმე ზაზა. ეს კაცი შაჰნავაზის კარს იყო ვაზდელი და იმისგან დიდათ მიჩნეული. ახლა კი არჩილს ახლდა. ბატონს უყვარდა ზაზა და ძლიერ ენდობოდა, რადგან მხნე ვაჟკაცი იყო, გამჭრიახი და მეფისთვის თავდადებული. მხოლოდ ძალიან ამაყი და პირ-და-პირი კაცი იყო, არავის ეფერებოდა, არავის არაფერს უთმობდა, არც მეფეს. ყველა პატივისცემით ეპყრობოდა ამ კაცს.

ერთხელ ბატონ არჩილს ეწვიენ ლევან დადიანის კაცები. წიგნი მოართვეს, ძღვენი უძღვენეს. არჩილი იმერეთში რომ იყო მეფეთ, მაშინ გაცნო ეს კაცები. მეჯლიში გადაუხადა სტუმრებს, მოუმიხარულა. მეჯლიშშიაც თავი იჩინა ზაზამ.

მეფემ სტუმრები გვერდზე მოისვა, ძალიან თავაზიანათ ექცეოდა. როცა შეზარხოშდენ, ეს ალერსი თავის დამცირებამდის მიიყვანა, სუფრაზე მსხდომ კახელ გმირებს და თავკაცებს კი მეტათ ამაყათ ეპყრობოდა, თითქმის განზრახ ამცირებდა. ბატონის ასეთი ქცევა საჩოთირო და საწყენი იყო ყველასთვის. ასე იმისთვის ეფერებოდა არჩილი თავის სტუმრებს, რომ უნდოდა იმერეთის სამეფო ტახტი ისევ მიეთვისებინა; ლევან დადიანიც ამ დესპანების პირით იწვევდა მეფეს უსინათლო ბაგრატის წინააღმდეგ და შველას ჰპირდებოდა.

არჩილი კახეთის მეფე იყო, ქართლის მემკვიდრეთაც თელიდა თავის თავს და იმერეთისკენაც იწვდიდა ხელს: ოცნებით შეერთებულ საქართველოს ხელმწიფეთ რაცხდა თავს.

ზაზამ შენიშნა შესაბამო ქცევა შექეიფიანებული ბატონისა და ეწყინა. იმიტომ უფრო აირია, რომ იცოდა არჩილის ოცნებას სასურველი შედეგი ვერ მოჰყვებოდა და იქნება სხვა ტახტის მძებნელ მეფეს კანთბატონობაც გამოცლოდა ხელიდან. ველარ მოითმინა და თქვა იგავი:

— ენახე კაცი, რომელიც ჭალაში თიხსსა ჭრიდა; შეჰკრა კონა, აიკიდა და ემძიმა; დაადო, შეჰკრა მეორე, დაადო პირველს, შეუჯდა ასაკიდებლათ და ძლიეს დასძრა; წამოდგა, შეჰკრა მესამე კონა, დაადო ტვირთს, მოუჭირა სამიეფს საბელი, მაგრამ ახლა სულ ვერ დასძრა ტვირთი. გამეცინა. ეუთხარი, ერთი კონაც აგრე მძიმეა შენთვის და სამის აწევას როგორ შესძლებ მეთქი.

სტუმრებს გაეღიმათ. არჩილს ენიშნა, აენთო, შეუტია, უღეა-შის აწევას დავუქრა,—გააწილა ერთგული. ეს მწიგნობარი მეფე აჩქარებული ხასიათისა იყო და თავი ველარ შეიმაგრა.

მეორე დღეს ზაზა სადღაც დაიკარგა. ბევრი ეძებეს, მაგრამ ვერ იპოვეს, კვალსაც ვერ მიაგნეს.

ზაზას უეცრათ დაკარგვამ ბევრი მითქმა-მოთქმა გამოიწვია: ამბობდენ შაჰნაფაზსავე შეეკედლაო, არა შაჰსულენთან არისო. ჭურმუტში წასულა და იქიდან მუქარას ითელეფინებაო, იქნება არჩილმა კიდევ მოაკვლევინაო; ზოგი რას ამბობდა და ზოგი რას.

დაკარგული კი ახლოს იყო. არჩილი რომ გაურისხდა, ზაზამ აისხა იარალი და წაეიდა. მიდიოდა და თითონაც არ იცოდა სად მიდიოდა. იმის ერთათ ერთი სურეილი იყო გასცლოდა ხალხს; ადამიანის დანახვა ეჯავრებოდა. შეჰყვა თურდოს. ამ ხევის შეყოლებით ახლაც დიდი ტყეა და მაშინ ეს ტყე უფრო შეუვალი იყო, გაუტყეხელი. ყოველგვარი ნადირი ბუდობდა აქ. იარა, იარა და ღელის თავში ავიდა; იქ მარცხნივ პატარა ველი ნახა უდაბური ტყით



შემოზღუდული. ეელის თავში წყარო რამ გამოჩუხჩუხებდა. მინდორი ყევეილებით მოკაზმულიყო, სამოთხის უბესა ჰგავდა. ზაზას იამა ამ კუთხის ნახვა და დაისვენა; მოისურვა აქ დარჩენა სანამ ფიქრებს შეიკრებდა და რამე გზას დაადგებოდა.

პირველ ხანში ზაზა ჯავრით იყო მოცული, გამარტოებას ცდილობდა და სიამოვნებდა განშორებული ყოფით. ნანადირევით ირჩენდა თავს. მერე მოეწყინა, მოსწყურდა ხალხში ყოფნა, აღამიანებთან ცხოვრება, მაგრამ არჩილთან ნამყოფმა და ამაგდარმა არ ინება სხვის კარს ყოფნა. ბოლოს ნელნელა შეეჩვია მარტოობას. ზამთრისთვის მიწური რამ ბინა გაიმართა და შეეფარა.

დღე დღეს მისდევდა, წელიწადი წელიწადს. გავიდა ხანი. თითქმის გაველურდა ზაზა. თავის დახოცილი ნადირის ტყავის ტანისამოსი ეცვა. თმა აპურძგნოდა. თითონაც ნადირს დაჰკვანებოდა. ამ დროს იყო, რომ კახეთში ხმა გავარდა, ცივზე დევი დაბუნაგებულაო.

ამ დღვის თვალებს აზრიანი გამომეტყველობა არ დაჰკარგოდა, მის ბუნაგს ახლო სისუფთავე სუფევდა, წყაროდან რუ მოსდევდა და ამ დღვის ბაღჩასა რწყავდა.

1669 წელს მთელ საქართველოში დიდი ზამთარი იყო, მთაში თოვლი ორ ადღზე მეტი მოვიდა, ზედ ქარი დაერთო და საშინელება ტრიალებდა ტყეში. ზაზა შეჰფარებოდა თავის ბუნაგს, კერაზე სათრისათვის წაეკიდებინა ცეცხლი და ჩიბუხს აბოლებდა, ქარი კი იბრძოდა, გუგუნი გაჰქონდა, ხეებს ჰლეწდა, აბრუნებდა.

— ღმერთო, დაიხსენ საქრისტიანო! იწერდა პირჯვარს ზაზა, რომლის გაქვავებულ გულსაც კი შეჰპარვოდა შიში ამ საშინელ ღამეს.

უეცრათ ქარის ღრიალთან მხეცის ღმუილიც შემოისმა და ამავე დროს კარებმა ზანზარი მოიღო, მოწყდა, გადმოვარდა და ირემი კი გაიშხლართა კერის წინ. ზაზამ ხანჯალი შეიმალლა, რომ გავემი-



რა ცხოველი, მაგრამ მალე მოვიდა გონს და ისევ ჩააგო; გამაგრა კარები, დაჯდა თავის ადგილას და შინჯვა დაუწყო თავის უცნაურ სტუმარს.

ფურ-ირემი იყო. მწყაზარი ტოტები მის სიმარდეს სახამდენ, მაგრამ ახლა უღონოთ დაეყრა ირემს ეს ტოტები. შიმშილით ფერდი-ფერდს მიჰკროდა, გაზებზე ნაკბილარებიდან სისხლი ჩამოსდიოდა: ნადირს რასმე დაჭლწეოდა პირიდან. შეებრალა, შეუხვია ჭრილობა. ირემი კანკალებდა; ზაზამ ტყავი დაახურა ზედ. საწოლიდან თივა ამოგლიჯა და წინ დაუდო, მაგრამ ცხოველს ჭამის თავი აღარა ჰქონდა: უკანასკნელი ძალა ეხმარა გადასარჩენათ და ახლა ღონე მიხდილს ყელი ბეჩავათ გადაეგდო.

მეორე დღესაც ისეთივე საშინელი დარი იყო. ამ საზარელმა ამინდმა ერთ კვირაზე მეტს გაატანა. ირემი პირველ დღეებში ფეხზე ვერა დგებოდა, ისე იყო დასუსტებული. ამ ხანში ზაზა წამლებს ადებდა იარაზე, ასმეე-აჰმეედა, უელიდა, ჰპატრონობდა: უზაროდა სულდგმული თავის ბუნაგში.

ირემს რომ ჯერ განუსაზღვრელი შიში ეტყობოდა თვალეებში და მიახლოვებაზე თრთოდა და თავს აწყვეტდა, მერე ნელ-ნელა შეეჩვია ზაზას, თვალეებში ნდობა გამოეხატა. მეტადრე ძალიან იამებოდა ირემს, როცა პატრონი მარბილს ალოკებდა და თან თვალეებზე ხელს უსვამდა.

გავიდა ხანი, ირემი მოსულოიერდა, მობრუნდა. ზედატანებაზე თოვლიც გადნა, მიწა აფუედა, ტყე აკოკორდა; გაზაფხულმა აათქვირა ბუნება. ზაზა ძალიან შეეჩვია თავის სტუმარს და ახლა ნაღვლობდა, ირემი ისევ წამივო, მაგრამ ირემი რომ გამოვიდოდა ქონიდან, მიივლ-მოივლიდა, ისევ ბრუნდებოდა შინ. შეამჩნია, ნადირი შემეჩვია, ამაგი დამიფასაო და უმატა ალერსს, მოვლას. ბოლოს დარწმუნდა ირემი თავს აღარ დამანებებსო და სიამოვნებით ავესო გული.

ერთ დილას ირემი ჩვეულებრივ გამოვიდა, მიიარ-მოიარა ველი, წყაროში ტუჩი დაისველა, ბუჩქნარი გადიარა, მიეფარა. ზაზა ამეებს



ახლა ყურადღებას აღარ აქცევდა, რადგან ბევრჯერ მიეთარებოდა ხოლმე ირემი მაგრამ სალამოზე ისევ გამოჩნდებოდა და მივალერსებოდა პატრონს. დალამდა კიდევ, ირემი კი არსადა ჩნდა. იმ ღამეს არ დაბრუნებულა. მეორე დღეს ზაზა შეუდგა ირმის ძებნას, შემოურა ტყეს, ბევრი ეძება, სახელიც უძახა, მაგრამ ამოთ: ირემი დაიკარგა. დაღონდა ზაზა.

— მე მეგონა, ცხოველს მაინც შევასმენ ჩემ სიკეთეს, ის მაინც დამჩიება მაღლიერი და, დახეთ აქაც მოგტყუედი, ფიქრობდა ის.

რამდენისამე დღის შემდეგ ირემი ისევ გამოჩნდა ველზე, მაგრამ მარტო კი არა, ამხანაგით: უშეელებელი ხარ-ირემი მოსდევდა თან. ზაზას ძალიან გაეხარდა, დაუძახა, გაეშურა იმისკენ. ირემმა ხელის ლოკვა დაუწყო, ხარ-ირემი ცოტა ხანს გაკვირვებული უყურებდა თავის ცალის ქცევას, მაგრამ მერე დაიფრუტუნა და გადახტა ტყეში.

ამას შემდეგ ირემი ხშირათ მიდიოდა ბინიდან, ღამეც დაჰყოფდა სახლ გარეთ, მერე კი ისევ ბრუნდებოდა. ტოლიც აუცილებლივ მოჰყვებოდა და აღარც ისე ძლიერ უფთხოდა ზაზას, თუმცა კი არ ეკარებოდა.

ერთხელაც გადიკარგა ირემი და რამდენისამე დღის შემდეგ დაბრუნდა, თან პაწაწინა ნუკრიც მოიყვანა. ხარ-ირემს ეძნელებოდა ახლა თავისების თავდანებება, მაგრამ როცა ზაზამ ისინი სახლში შერეკა, ის ისევ ტყეში გადავიდა. ამას შემდეგ ზაზამ სადგომი გააფართოვა, გომური რამ გამოუთხარა თავის მეგობრებს.

გავიდა ხანი, ზაზამ მოაშენა ირმები. ახლა საჭიროც იყო იმისათვის ეს ღეთისწყალობა, რადგან გატყდა, მარჯვენა აღარ ეჩიოდა და შინ უნდა დაეგულეებინა სარჩო.

ზაზა გულდამშვიდებით ცხოვრებდა, უფლიდა თავის ათას გვარ მწვანილით და ყვავილით აფერადებულ ბაღჩას, უგროვებდა სუნნელოვან თივას თავის მეგობრებს, რომ ზამთარს არ დაეჩაგრა ისინი.

გაიარეს წლებმა. ერთ ღამეს იყალთოდან დაინახეს ცეცხლის

სინათლე, რომელიც თურდოთ ღელის თავში ტყიდან გამოშუქდა. გაუკვირდათ, პირჯვარი დაიწერეს; აცნობეს მოძღვარს. მოძღვარმა იფიქრა ალბათ სასწაული რამ გამოჩენილაო და გზას გაუდგა. შეიარაღებული ბიჭები გაჰყვენ თან. მივიდენ იმ ადგილს და მიცვალებული დახედათ; დაწყნარებულ სახეზე ღიმი შეჰპრობოდა. ირმები გარს შემოხვეოდენ და განცვიფრებული ჩაჰყურებდენ პატრონს და შეშინებული იტყოდენ.

— მართალი კაცი გარდაცვლილაო, თქვა მოძღვარმა და პირჯვარი გამოისახა.

კ. ზანოვი.



## კვალი თქველავა აღდგომის კვირსხეზე.

(ფრანგულიდან)



ვარცმის დღეს (წითელ ჰარასკეკს) ერთი ჰატარა მკალობელი ჩიტი იჯდა კვერცხებზე ბუდეში, რომელშიაც ედვა რამდენიმე სწილოს ძვალსავით თეთრი კვერცხი. ამ საშინელ დღეს, როდესაც მთელი ქვეყანა შეძრწუნებული იყო ქრისტეს წვალებით, ჰაწია ჩიტსაც გული უძგერდა შიშით, მაგრამ დედობრივმა გრძნობამ სძლია შიშს და უფრო ცხარეთ დააჯდა კვერცხებს, თითქოს უნდოდა თავგანწირულებით აეცილებინა მათთვის ყოველივე განსაცდელი. უცებ დაბნელდა, დედა მიწა შეირუა, მთანი და კლდენი შუა ირღვეოდნენ, მაგრამ მიუხედავად ამ საშიშარი მოვლენისა, ჰატარა ჩიტუნა იჯდა უძრავად და ჰაწია სხეულით ცდილობდა დაეცვა გაუგებარ მოვლენისგან თავისი კვერცხები. დაღამდა, ჩიტმა იგრძნო რომ განსაცდელმა განვლო, დახედა კვერცხებს და რა დარწმუნდა მათ სიმრთელეზე, დააპირა მისცემოდა მშვიდობიან ძალს.

იოსებ არიმათიელმა მოთხოვა ჰილათეს გვამი ჩვენის მსხნელის იესო ქრისტესი, შესუდრა იგი და ჩაასვენა საფლავსა; ის ხე, რომელზედაც აჯდა ჩვენი მკალობელი ჩიტი, იდგა სწორეთ იმ ადგილს, სადაც დასაფლავეს მაც-

ხოვარი, ხის შტოები ჩრდილავდნენ წმიდა ალავს. ფეხის  
 სმაურობასზე ჩიტს გამოეღვიძა და შესედა გამოკვეთილ  
 კლდეს, სადაც ამ დროს შეასვენეს გვამი იესო ქრისტესი.  
 როდესაც მან დახედა მის გაფითრებულ შვენიერ ღვთიურ  
 სახეს, მის ლურსმნისაგან დახვრეტილ ხელ-ფეხს, მწუხარ-  
 რებით აუჩქროლდა გული და მორთო ისეთი გალობა, რო-  
 ძლის მკზავსი არ სმენია მას-აქეთ ქვეყანას. მთელ იმ დიდ  
 და ბნელ ღამეს არ შეუწყვეტია ხმა; ის იყო გალობა რა-  
 დაცა ძლიერი, გულსაკლავი, მასში ისმოდა ტირილი, ვა-  
 ება და კვნესა სულისა; თითქოს ის ეძებდა რასმეს ამათ  
 დაკარგულს; თითქოს გლოვა მთელის ქვეყნისა შეერთე-  
 ბოდა მის გალობასა. როგორც კი ირახრაჲა, უოველივე  
 სდუმდა, ჩიტმაც დაასრულა თავისი მწუხარე ღამის თევა  
 და, ფრთაში თავ ჩამალული, თითქოს მიეცა საუკუნო ძილს.  
 მთელ დღეს ასე მკვდარსავით, უძრავათ იყო, მაგრამ შუა-  
 ღამის წინ, მან იგრძნო რაღაცა ძალა და მკვირცხლათ  
 შეიფთხრიალა. მიუგდო უური, ჯერ არა ისმოდა რა, მიი-  
 ხედ-მოისედა, ისევე სიბნელით იყო მოცული არე-მარე.  
 სულგანახული, გულის ფანცქალით ჩიტი მოელოდა რა-  
 დაცა სიამოვნებას; აი მოესმა თითქოს ჭაერი განპო რა-  
 ღამაც, გაიკონა ნაწი შრიალი ფრთებისა, და ნათელმა  
 ნელნელა გაარღვია სიბნელე, შუქი თან-და-თან ახლოვ-  
 დებოდა, აკერ მან დაინახა ბრწეინვალე ანგელოზი, ჩამო-  
 მავალი ზეცით, რომელიც მიაღვა კლდის შესავალს, სადაც

იღვა ჯვარცმული უფალი ცისა და ქვეყნისა, ლოდი მის საფლავიდან თავისით გადაგორდა, განსწვტაკებული დიდებით აღდგა იესო ქრისტე და განანათლა ქვეყანა. ჩიტი უმწერდა, სინარულმა წარიტაცა მთელი მისი არსება და დაატკბო ისეთი გრძნობით, რომელიც არასოდეს არ გამოეცადა. ხელახლათ მორთო თვისი ვალობა, მასში ისმობდა ასლხ სინარული და აღტაცება; თვით ზეცამდის მიადწია მისმა გრძნობით სავსე ტბილმა ხმამ და უოველ მსძენელს აღუგსო გული სიუვარულით და ბედნიერებით! ანგელოზმაც მოისმინა აღტაცებული ვალობა, რომლითაც ჩიტი ეგებებოდა აღდგომილ ქრისტეს, მოაგონდა აგრეთვე მწუხრი ხმა მისი წინა ღამისა, მიუბრუნდა ჩიტს და უთხრა: „შენ, რომლის ვალობაც ადის მადლა ზეცაში  
 „ღვთიურო ძადიდებელო, იუავ კურთხეულ ამ ქვეყანაში,  
 „შენის ბარტყებით, თეთრის კვერცხებით,  
 „მწვანე ხავსიან ღამაზის ბუდით!

მას აქეთ უოველ აღდგომის განთიადს ამ უცხო ფრინველის კვერცხები, ანათებენ ძვირფას თვლებსავით, და აუწეებენ ქვეყანას წმინდა დღესასწაულს „ქრისტეს აღდგოისას“.

კნ. ანას. ამილ. ხერისა.



## „ჩ ე მ ი კ ე რ ძ ი“.

ამბავი.



ითელი ჰარასკევი იყო. მთელი სოფელი სახლდგომით ემზადებოდა: ლოგინი, ტანისამოსი, ჭურჭელი და ხარა-ხურა დიასახლისებს ეზოებში გამოეტანათ. კარფანჯრები გაეღოთ და ოთახებს ჭკვიდენ. ზოგი ჰურს აცხობდა; ნიავს ხანდახან ნახუქის სუნიც მოჰქონდა. კვერცხებსაც დღესა ღებდენ: წითელი ჰარასკევიც და უფრო კაი ფერზე შეიღებებოდა. სოფლის ნახევარი ვაჟკაცობა ქალაქს იყო წასული. მოკესნებებთ, სოფელი კვრინჩხიანი მარჯვეთ არის ქალაქზე: შუბა, ჭიგო, კვერცხი, თუ სხვა რამ გასაყიდი მოემოდათ, ქალაქს წაეღოთ და ხელ-ცარიელნიც არა ბრუნდებოდენ ოჯახში; დანიშნულ ვაჟებს თავიანთ საცოლეებისთვის ბაშმაკები, „ბუზიკა“, შაქრის კვერცხი და სხვა საჩუქრები ეყიდნათ. ბევრ მათგანს ხელში ფაქიზათ გახვეული უვაზილებით შემკობილი კელაპტრები ეჭირათ და გულში იდგენდენ, როგორ გავიდოდენ იმათი დანიშნულები ლიტონიასე... ცოლ-შვილიან ვაჟკაცებს თითო-ოროლა გირვანქა ლორი, ახალი უველი და ზოგსაც ჰატარა ჰასკები და სხვა რამ მოჰქონდათ. დროებით გადავიწეებოდით ეო-

ველ დღიური ჭირ-ბორბოტი და სადღესასწაულოთ ემზადებოდენ.

მამა დიმიტრი ეკლესიას ამზადებდა; ბარძიმ-ფეშხუმი და ჯვარი დაეხეხნა და ახლა სველი ტილოთი ხატებსა წმენდდა. დიაკვანი საცეცხლურს ჰხეხდა, მნათე ეკლესიის ეზოსა ჰკვიდა. ხარებისთვის-კი დილასვე შეება ახალი თოკები.

ისაია დალაქიც დიდ საქმეში იყო: სხვა დროს რომ მარტო შაბათობით მოიგონებენ ხოლმე თავის კაკრეჭას და წაერის მოხარსვას, ახლა წინაღლითვე დაეწყო მის მუშტარს ჰარსვა-კრეჭვა.

ასე მზადებაში იყო მთელი სოფელი, მხოლოდ ოდომანთ ოჯახში არაფის აკონდებოდა ბედნიერი დღე. აქ კრინტიც არ დაუძრავთ საადღეგომო მომზადებაზე. ან-კირა იმისი სცხელოდათ: ეს მეორე კვირა იყო რაც ეკელას საყვარელი ჰატარა მარო მძიმე ავანთყოფი იყო. იმისი მორჩენის იმედი აღარაფისა ჰქონდა. „ბედნიერი დღეები მოდის და ჩემი მარო-კი ველარ ეღირსება წითელი კვერცხის დაჭერასაო“, მწარეთ გაიფიქრებდა ხოლმე იმისი დედა სალომე და თითონვე შეეშინებოდა თავისი სიტყვებისა.

მაროს ბებია ხორეშანი წირვა-ლოცვაზე თუ წავიდოდა, თორემ სხვა დროს სულ ავანთყოფს უჯდა კვერდით და მოვლას არ აკლებდა. ეკლესიაშიც მხოლოდ შვილი-შვილის შესაყედრებლათ მიდიოდა.



დაღამდა. დაღალულ-დაქანცულებს და შეწუხებულ დედას და ემაწვილებს აქა-იქ მიემინათ. წამოდგა ხორეშანი, ზოგს საბანი მიჭხურა, ზოგს კაბის ძველა, მერმე სატების წინ წმიდა სანთელი აანთო, დაიჩოქა და მსურვალეთ შეევედრა ღვთისმშობლის ხატს, რომ აღარ ეჩვენებინა მწარე დღეები და გამოეჩინა საეგარგელი მარო. კადიწერა ზირჯვარი და ახლა წმიდა მიტროფანეს ხატს შეჭხედა... ხომ ჭხედავ ჩვენ გაჭირებას, წმიდაო მიტროფანე, შენ მოგვხედე მოწყალე თვალით... ადგა მოხუცი და ისევ ავათ-მეოფს მოუჯდა.

მთელი კვირა იყო, რაც ოჯახში საჭმელი აღარა მოხარბულყო რა. არც რძალს და არც დედამთილს იმისი გული და დრო არა ჰქონდა, არც ემაწვილები თხოულობდენ კვაჭამეთ რამეო. მოიტყუდენ გამხმარ ჰურს, კავიდოდენ ბოსტახში და მწუხანილს ატანდენ. წითელი კვერცხი არ გაუხსენებიათ. სათამაშოთაც აღარ მიდიოდენ, სახლში ფეხ-ავრეფით დადიოდენ — მარო არ შევაწუხოთო.

— შეილო, საღამოე, თავს ხომ არ მოიკლავ მწუხარებით! ე ბაღდს მეც ვეყოფი მოძვლეულათ... ადექი, მიიხედ-მოიხედე, მეცოდებიან ე ემაწვილები, მთელი კვირას ცარიელ ჰურსე არიან, ან მხალი მოუთუთქე, ან კარტოფილა გექნება... ორიოდე კვერცხიც შეღებე. ადღგობა დღე მოდის... თითო კვერცხი როგორ არ გატეხონ?!

— კარტოფილი აღარა გვაქვს და მხალი კიდევ რას ეგვანება უნიგვსოთ!... ეგ-კი არა და ერთი სტაქნის ოდენა ბადაგი-კი მაქვს ბოთლის ძირში. თათარას მოფუდულებ, შენც გული გადბეკვლია შიმშილით.

სალომემ თათარა მოადრულა, გაუნაწილა ემაწვილებს, სხვა დროს უსათუოთ რომელიმე მათგანი უკმაყოფილებას გამოაცხადებდა, ცოტა კერძი შერგოვო, მაგრამ ახლა-კი ხმა არავის ამოუღია.

— შეილო, მარო, აი თათარა მოვხარბე... შენ სომ გიყვარს, დედა გენაცვალოს.

მარომ ნელა აახილა თვალები, მაგრამ ისევ ძაღვ ჩახუჭა, არც-კი დაუნახავს, რას უჩვენებდენ.

ეველამ განთავა კერძი, ნიკამ თეფშებს დაუარა და ისე დალოკა, რომ დარეცხილები გეგონებოდათ.

— შეილო, გადასძახა ნელი ხმით დედამთილმა სალომეს, შენ სომ იმედი გადაწევეტილი გაქვს და ნახე თუ ამ ემაწვილმა არ მოიხედოს. აი, შუბლზე წიწკნა გრილი ოფლი წომობდა. გამოცდილებით ვიცი, რომ ეს კაი ნიშანია. აგერ თითქმის საუკუნე სრულდება, რაც ქვეუნახე ვცხოვრობ და ბევრი ავანტიურული მინახავს... დმერთს რა გაუკვირდება, ვენაცვალე იმის მადლსა და სახელს. სიზმარიც კარგი მაქვს ნანახი: წელან წამთვლიმა და ვნახე, რომ ვითომ დიდი ნიაღვარი მოდიოდა ჩვენი სახლის-



კენ; შე და შენ ფიცარი მივაშველეთ და წყალი შოშის  
გზისკენ გადავარდა.

შაბათი საღამოა, ცამ მოიწმინდა, ჩამავალმა მხემ ოდო-  
ძანთ სახლშიაც შეაშუქა. ხორეშანი საბანს უტკეპნიდა  
ავათმეოფს... ემაწვილმა თვალები ახსილს და ნელი ხმით  
ამოიძახა: „ცემი კვები“. გაესარდათ რძალ-დედამთილს,  
თავის უურებს არ უჯერებდენ, რომ ეს სიტყვები მაროს  
წამოთქმული იყო. მისვდენ, რომ მარო თათარს თხოუ-  
ლობდა. ამას-გი ვერ მოიგონებდენ, რომ ემაწვილი ისე  
მოიხედავდა ჭამასაც მოითხოვდა: ერთი კოვსი თა-  
თარაც არა ჰქონდათ. მაგრამ სალომე ძალე გამოვიდა გა-  
ჭირვებიდან; ამონაუა ერთი ნატეხი შაქარი, ჩაჭყარა წყალ-  
ში და ჰაწაწა ტაფით შემოდგა ცეცხლზე, როცა წამოდუ-  
და, მოუკიდა ფქვილი და მხათ იყო თათარა. მიუტანა  
მაროს, შეჭამა ემაწვილმა ორი კოვსი და მთლათ მოკეთ-  
და, ახლა-გი ტკბილათ ჩაიძინა.

— მგონია მოგვხედა დემეტმა, თქვა ხორეშანმა, აი  
რა მშვიდათა სუნთქავს... ამას აღარ უჭირსრა. მართლაც  
მთელი ღამე შეენივრათ ეძინა მაროს. შუადამისას რომ  
ზარების რევა დაიწყო, მაროს გარდა ეველას გამოედვიდა.

ნიკო ეკლესიაში მუხობლებს გაჭევა. დაიწყო ადღგო-  
მის ბრწეინვალე ცისკარი და წირვა. ეკლესია გაკაშკაშე-  
ბული იყო წმიდა სანთლებით. მოწითულ ხალხს ჰირზე  
დიდი ედგა. ეველა მსიარულობდა, მაგრამ არა მგონია ნი-

1989

საქართველო  
პარლამენტი  
საქართველოს  
პარლამენტი

კოხე განარებული უოფილიუო ვინმე იმ დილას, ის სრულებით არა წუხდა, რომ დედამ ახალი ახალუსი ვერ გაუთავა. განა არ იცოდა, რომ დედას იმისთვის არ ეცალა!

გათავდა წირვა. ხალხი შეუდგა „ქრისტე აღდგა“-ს მილოცვას და ერთმანეთის გადაკოცნას. ნიკო უველას ახარებდა — ჩვენი მარო კარგათ არისო. ძალუა ქეთევანმა ერთი კვერცხი მისცა ნიკოს. იმან კბილზე გაშინჯა და არავის დაუკრა, რადგან ღუნე კვერცხი იუო. გამოვიდა მღვდელი და შეუდგა მრევლისგან მიტანილ სანოვავის კურთხევას. ნიკომ მოახერხა მღვდელთან მიახლოვება და იმასაც ახარა, მარომ თათარა ჭამაო. მამა დიმიტრიმ თავზე ხელი გადაუსვა და უთხრა: „აბა, დედაშენს-კი შეეშინდა მე რომ ემაწვილის ზიარება მოვინდომე, ეკონა ცუდ ნიშნებს ვატეობდი“.

მღვდელმა რამდენიმე ნაკუთხი კვერცხი, ბატკნის სორცი, უველი და სხვა გაატანა ნიკოს.

სახარულით ფეხზე აღარ იდგა ნიკო. მხიარულათ მიიბრუნა შინ და მიულოცა „ქრისტე აღდგა“. გამოტანებული კვერცხები და სხვა ბეზიას გადასცა.

— ღმერთმა ადღეგრძელოს ჩვენი ღვდელი, რომ მოვკონებივართ. ღვთისნიერი კაცია... მიჭხვდებოდა, რომ დღეისთვის არაფერი გვექნებოდა დამხადებული.

მარო ძალე სულ გამოჩნა. სამებობას ლოგინიდან წამოდგა და კვირა დღეს ხომ კვირაცხოველძიაც წავიდა. სალოცავათ.

აღ. ბარნოვი.

გ ა ზ ა ფ ხ უ ლ ი.



იიპარება მოხუცი,  
 ჭალარა, თეთრი წვერითა,  
 ჭუჭყიან ტალახიანი,  
 შემკრთალი, ნაცრის ფერითა.  
 მის ადგილს იჭერს ლამაზი,  
 სახითა შეენიერითა,  
 ყვავილის კაზა კმოსია,  
 ძორთული მრავალ ფერითა.  
 ზურმუხტის ტახტზე დაბძანდა,  
 ხალისიანი მღერითა,

სიმებმა უწყეს წკრიალი,  
 სასაიდუმლო ყლერითა.  
 ამხანაგები მოისხა:  
 შაშვი, მერცხალი, ბულბული,  
 საიმედო ხმას თითონაც  
 ბანს აძლევეს გახარებულნი.  
 მწვანეთ ბიბინებს მინდორი,  
 ბალში ატირდა ვაზია;  
 გაგვიზაფხულდა ყველასა,  
 გულისა რა ღოამაზია!..

მ. ლელაშვილი.

## ნელლო და პატრაში.

(მოთხრობა უიდის).

### VII.



რთხელ, როდესაც ნელლო და პატრაში თოვლით გადაპენტილი გზით ანტვერპენიდან სახლში ბრუნდებოდენ—თოვლში მათ შენიშნეს პატრა ლამაზი დედოფალა, ოქრომკედით ნაქარგ ტანისამოსში გამოწყობილი. რადგანაც ნელლომ მისი პატრონი ვერ იპოვნა, გადაწყვიტა ალოიზასთვის ეჩუქებინა.

წისკვილს რომ მიუახლოვდა, სრულიად ბნელოდა. ნელლომ კარგათ იცოდა, საით მხარესაც იყო პატრა ქალის ოთახის

ფანჯარა; ამ ფანჯარას სწორეთ დერეფნის სახურავი უდგებოდა; ნელლო შევიდა სახურავზე, მიუახლოვდა ფანჯარას და ნელა დაარახუნა: შეშინებულმა ალოიზამ მაშინვე გამოიხედა. ნელლომ პატრა დედოფალა გაუშვირა.

— თოვლში ვიპოვნე, ალოიზა, —უთხრა მან ჩუმათ.—წაიღე და ღმერთმა მოგახმაროს!—და ნელლო ისე სწრაფათ ჩამოსრილადა სახურავზე და ჩამოხტა ძირს, რომ ქალიშვილმა მადლობის გადახდაც ვერ მოასწრო.

ამ ლამეს წისკვილში ცეცხლი გაჩნდა; წისკვილზე მიდგმული ბელღები და სხვა შენობები მთლათ ერთიანათ გადაიწვა, ბევრი ფქვილი და მარცვალი წახდა და გაფუჭდა, მაგრამ თვით წისკვილი კი, სადაც ალოიზა და მისი დედამა ცხოვრობდენ—უვნებლათ გა-

დარჩა. სოფლის მცხოვრებლები კინკველებსავე ირეოდნენ წისქვილს გარშემო, ქალაქიდან ცეცხლის საქრობი რაზმი ჩამოვიდა. მეწისქვილეს ყველაფერი დაზღვეული ჰქონდა, ისე რომ ზარალი არაფერი მოსვლია, მაგრამ მაინც საშინლათ გაბრაზდა და ყვიროდა, ნამდვილათ ვილაცამ მტრობით გადამწვაო.

სოფელში ატეხილ ხმაურობაზე ნელოოსაც გაეღვიძა და ისიც წისქვილისაკენ გაიქცა მისაშველებლათ. კოგეზმა ხელი ჰკრა ბავშს და გაჯავრებით უთხრა:

— წუხელი აქ დათრიალებდი... უთუოთ კარგათაც გეცოდინება რისგან გაჩნდა ცეცხლი!

ნელოომ არაფერი უპასუხა, თუმცა ძალიან გაუკვირდა, რადროს ხუმრობაა ახლა, ამისთანა დროსო.

მაგრამ მეწისქვილე არ ხუმრობდა; მეორე და მესამე დღესაც ესევე გაიმეორა; ნელ-ნელა მთელ სოფელში ხმა გავრცელდა, ნელოომ ღამეს სულ წისქვილს უტრიალებდა გარსო და ეს საეჭვო უნდა იყოს, რადგანაც მეწისქვილე დიდი ხანია სძულს, მას აქეთ, რაც მან ალოიხასთან თამაში და ყოფნა აუკრძალაო. მთელ სოფელს კოგეზის ხათრი ჰქონდა, და მის და სასიამოვნოთ ყველამ განზე ყურება დაუწყო ნელოოს; პირში არაფერ არაფერს ეუბნებოდა, მაგრამ ბავში გრძნობდა, რომ ყველა ერიდებოდა. რითი შეეძლო საწყალ ნელოოს, უპატრონოს და გულუბრყვილოს, რომ ყველას წინააღმდეგ წასულიყო.

ერთხელ მეწისქვილის ცოლმა უთხრა ქმარს.

— რათ ექცევი აგრე სასტიკათ იმ საცოდავ ბავშს? ის პატიოსანი და კარგი ყმაწვილია, ფიქრათაც არ მოუვიდოდა იმის ჩადენა, რასაც შენ აბრალებ! — მაგრამ კოგეზი ჯინიანი იყო; რასაც ერთხელ იტყოდა, იმას აღარ გაუღდგებოდა, კიდევ რომ შეეგნო, უსამართლოთ ექცევიო.

ნელოო მოთმინებით, თუმცა ამაყათ იტანდა ყველაფერს, მხოლოთ პატრაში ხედავდა ხოლმე მას მწუხარებას... თუ საჩუქარი

მივიღე, ენახოთ, თუ ყველამ არ ინანოსო!—იტყოდა ხოლმე ნელ-ლო და ამით ინუგეშებდა თავს.

მაგრამ მაინც ბავშს, რომელიც დაბადებიდან აქამდის, 15 წელიწადი, სულ ერთსა და იმავე პატარა სოფელში ცხოვრობდა, რომელიც ამ სოფელში მართო მოფერებას და ყველას მოკეთებდა იყო შეჩვეული—ყველასგან გამონაპირების გამო სიცოცხლე ძალიან უძნელდებოდა, განსაკუთრებით ახლა, ამ ცივ, სასტიკ ზამთარში, როცა სინათლეს და სითბოს ნახვა მართო მეზობელი გლეხების ქოხებში შეიძლებოდა, მხიარულათ ავიზგიზებული ცეცხლის წინ; ზამთრობით ყველა გლეხები ერთმანეთს კიდევ უფრო უკავშირდებოდნენ, სულ ერთათ იკრიბებოდნენ ხოლმე, მაგრამ ნელლოს და პატარას სიახლოვესაც არაფერ იკარებდა და ისინი ღეთის ანაბარას „ეყარენ თავის ცივ, ნოტიო ქოხში. ახლა ისინი ხშირათ ულუკმა პუროთაც რჩებოდნენ, რადგანაც ამ უკანასკნელ დროს ანტიერპენიდან ვაჭარი ჩამოდოდა და რძე გლეხებისაგან თვით იმას მიჰქონდა, მხოლოდ სამი თუ ოთხი გლეხი ატანდა ისევ თავის რძეს ნელლოსა და პატარას. ამის გამო პატარას ტვირთი ძალიან შეუმსუბუქდა, მაგიერათ ნელლოსაც ჯიბე სულ დაუცარიელდა.

პატარაში მაინც ჩვეულებრივათ შეჩერდებოდა ხოლმე იმ ჭიშკრების წინ, საიდანაც უწინ რძით სავსე ქოთნები გამოჰქონდათ მის პატარა, მწვანე ურემზე დასადებათ; მაგრამ ახლა ეს ჭიშკრები მისთვის დაკეტილი იყო და პატარაში ერთ ხანს ყვედრებით შეჩერებოდა მათ. მეზობლებსაც უძნელდებოდათ მათთვის უარის თქმა, გული სიბრალულით ეთუთქებოდათ, როცა ხედავდნენ, რომ პატარაში თითქმის ცარიელ ურემს მიახრიგინებდა, მაგრამ კოკეზის ეხათრებოდათ და ძალა უნებურათ ასე იქცეოდნენ.

### VIII.

შობა ახლოვდებოდა.

სასტიკი ყინვები იდგა. აუარებელი თოვლი მოვიდა; წყლებზე



ყინული ისე გასქელდა და გამაგრდა, რომ ქვეითი კი არა, ცხენოსანი კაციც თავისუფლათ დადიოდა ზედ. ამ დროს მთელი სოფელი მხიარულათ ირთებოდა სადღესასწაულოთ; ყოველი ქოხის კედლებს შაქრისაგან გაკეთებული წმინდანების სახეებით ამშვენებდნენ, ყოველ ქოხში ცეცხლზე ქვაბი ჩუხჩუხებდა, რომელშიაც გემრიელი საჭმელები მზადდებოდა; ყოველგან ტკბილეულობას და ქადებს შეექცეოდნენ, ხუმრობდნენ, იცინოდნენ, ცეკვამდნენ... სახლიდან საყდარში და საყდრიდან სახლში ჭრელ კაბებში გამოწყობილი ახალგაზდა ქალიშვილები გარბოდნენ და გამოვრბოდნენ; ისინი მხიარულათ ესაუბრებოდნენ ერთმანეთს და, თითქო რალაც ბედნიერება სწვევიათო, სულ იცინოდნენ და იცინოდნენ

მხოლოდ ერთ პატარა ქოხში, სოფლის განაპირას, ბნელოდა და ციოდა; იქ არც მხიარულება იყო და არც სიცილი ისმოდა.

ნელო და პატრაში სულ მარტოთ მარტო დარჩენ ამ ქვეყნათ. სწორეთ შობის წინა დღეებში ეწვია მათ ქოხს სიკვდილი და მოხუცი დაასი თან წაიყვანა. მართალია, დაასი დიდი ხანი იყო, ვეღარ იძროდა, ლაპარაკიც ძლივს შეეძლო, მაგრამ მაინც მისი სიყვარული თითქო სიტბოს აგრძნობინებდა ნელოს და პატრაშს, მისი ღიმილი მათ დალალულობასაც და უიმშილსაც კი ხშირათ ავიწყებდა... ახლა კი მოხუცი დაასი აღარ იყო; მისმა სიკვდილმა ორივეზე საშინლათ იმოქმედა; მწარეთ ქვითანებდა ნელო და დალონებით მისდევდა მას უკან პატრაში, როცა მოხუცი დაასი სასაფლაოსკენ წაასვენეს; მათ გარდა არავის არ დაწყევტია გული, არავის ერთი სიტყვითაც კი არ მოუხსენებია საცოდავი მოხუცი.

— იქნება ახლა მაინც მოღბეს და ნება მისცეს ყმაწვილს ჩვენსას სიარულის? — ჰფიქრობდა მეწისქვილის ცოლი და ჩიბუხით პირში ცეცხლთან მიმჯდარ ქმარს აკვირდებოდა.

კოგეზმა კარგათ იცოდა რაზედაც ჰფიქრობდა მისი ცოლი, მაგრამ ჩვეულებრივ ყინიანობას არც ახლა ვაღუდგა; დაასის კუბო რომ მის სახლის წინ ჩაატარეს, მან ჭაშკარიც კი არ ვაღლო. — ის ბა-

ვში ღარიბია, მთხოველია!—ჰფიქრობდა ახლაც,—არ მინდა, რომ ალოიზასთან ერთათ ითამაშოს ხოლმეო.

მეწისქვილის ცოლმა ვერათრის თქმა გაბედა, მაგრამ, როცა ნელლო სასაფლაოდან დაბრუნდა, დედამ ალოიზას ლამაზი თეთრი ყვავილები პატარა გვირგვინი მისცა და უთხრა, წადი, დაასის საფლავს დაადგო.

ნელლო და პატარაში გულ ჩაწყვეტილები დაბრუნდნ თავის ქოხში. ბედმა ისიც არ აკმარა, რაც რომ თავზე გადახდენოდათ, უკანასკნელი თავშესაფარი, ძველი, ნახევრათ დანგრეული, მაგრამ მაინც საყვარელი ქოხიც კი წაერთვათ. ქირის ფული ერთი თვის ემართათ, გადახდა არ შეეძლოთ და პატრონმა ორივეს გარეთ გამოუძახა. ქირის საფასში მან ნელლოს ჭურჭელი და ზოგიერთი ტანსაცმელიც კი წაართვა და გამოუცხადა, ხვალ სახლი დამიცალეო. მაგრათ ჩაეხუტენ ერთმანეთს ნელლო და პატარაში და მწუხარეთ გაატარეს ქოხში უკანასკნელი ღამე ბნელაში და სიცივეში, ჩამქრალ კერძას პირას.

მეორე დღე—შობის წინა დღე იყო. გაიღვიძა თუ არა, მწარეთ აქვითინდა ნელლო, მიიკრა გულზე თავისი მეგობრის დიდი თავი და მწუხარებით უთხრა—წავიდეთ, ჩემო პატარა, წავიდეთ, მეგობარო, თუ არა ძალით გაგვაგდებენ აქედანო.

და ნელი ნაბიჯით წავიდნ ორივე.. ისე აღრე იყო, რომ ფანჯრების დარბებში ჯერ ყველგან დაკეტილი იყო, თუმცა ზოგიერთი გლეჩი კიდევ გამოსულიყო გარეთ. მათ არავითარი ყურადღება არ მიაკციეს ბავშსა და ძაღლს. ერთ ქოხთან ნელლო შეჩერდა და კრძალვით შეიხედა შიგ. ამ ქოხის მცხოვრებლებს ერთ ღროს ბაბუა მისმა დიდი სამსახური გაუწია.

—პატარა პურის ყუას ხომ არ მიცემთ პატარაშს?—ნელი ხმით ჰკითხა მან ღიასახლისს.—ეს ბებერი და უძლურია, და გუშინ დილის აქეთ არაფერი უჭამია!

ქალმა უცებ მოხურა კარები, თან რაღაც წაიბუტბუტა პურის

სიძვირზე; ბავშმა და ძაღლმა თავისი გზა განაგრძეს. ძეტი აღარავის-  
 თვის უთხოვნიათ მოწყობება.

ანტვერპენში რომ მივიდნენ, საქალაქო საათმა ათჯელ დაჰკრა.

— ნეტავი ისეთი რამე მაინც მქონდეს რომ შემეძლოს გაეყი-  
 დო და პატრაშს ცოტა პური მაინც ეთუყიდა!— ჰფიქრობდა ნელლო...  
 მაგრამ რას გაყიდოდა? ძველი ტანისამოსის და დახეული ფეხსაცმლე-  
 ბის გარდა არა გააჩნდა რა.

პატრაში მიხვდა, რასაც ჰფიქრობდა ნელლო და მოფერებით  
 დადგა მის ხელზე თავისი დიდი თავი, თითქო ეხვეწებოდა, ნუ სწუ-  
 ხარ, ჩემი ჯაგრი ნუ გაქვსო.

იმ ბავშვის სახელი, რომელსაც ანტვერპენის მხატვრები საჩუქარს  
 მიუსჯიდნენ, შუადღისას უნდა გამოეცხადებინათ. ნელლო იმ საქა-  
 ლაქო შენობისკენ გაემგზავრა, რომლის კარებთანაც მაშინ თავისი  
 ნახატი დატოვა. იქ ბევრ ხალხს მოეგროვებინა თავი. ბავშმა ძაღლს  
 მოჰკიდა ხელი და ორივე ერთ-თ ფრთხილათ წინ წაიწივნ.

საქალაქო საათმა თორმეტჯელ დაჰკრა. კარები გაიღო და ხა-  
 ლხიც აღელდა. ყველამ იცოდა, რომ არჩეულ, საუკეთესო ნახატს  
 დიდ ჯოხზე მიაკრავდნენ და ყველას დასანახავათ ზევით ასწევდნენ,  
 ნელლოს თვალებს თითქო ბინდი გადაეკრა, ბავშს თავბრუ დაეხვა,  
 ფეხები მოეკეცა... როცა ცოტა მოსულიერდა, ზევით აწეულ ნახატს  
 ცახცახით თვალები მიაპყრო, ეს—მისი ნახატი არ იყო. ეილაცამ ხმა  
 მალლა გამოაცხადა, საჩუქარი ანტვერპენის მცხოვრებ, ლამის დარა-  
 ჯის შვილს, სტეფან კისლინგერს მიუსაჯესო.

როცა ნელლო გამოერკვა და თვალები გაახილა, დაინახა, რომ  
 შენობის წინ, კიბის განიერ ქვის საფეხურებზე ეგდო. პატრაში მის  
 გარშემო დაფუსფუსებდა და ცდილობდა მოესურელებინა თავისი  
 პატარა პატრონი. იქით კი, შორს, ვიწრო ქუჩაში, ანტვერპენის ყმა-  
 წვილების დიდი გროვა მხიარული ჟივილ-ხივილით აცილებდა  
 თავის ბედნიერ გამარჯვებულ ამხანაგს.

ბავში სწრაფათ ზეზე წამოხტა და ძაღლს მოეხვია.

— ყველაფერი გათავდა, ჩემო პატრამ!—მწარეთ წაიფურჩულა მან. —ყველაფერი გათავდა!

შიმშიალით და მღვლეღარებით ბავში ძალიან დასუსტებულიყო, მაგრამ მან მაინც თავს ძალა დაატანა და ისევე წავიდა თავის სოფლისაკენ. პატრამიც გვერდით მისდევდა, თავისი დიდი, გაბურძღნული თავი ძირს დაეხარა.

სულ თოვდა და თოვდა. ჩრდილოეთიდან სუსხიანი ზამთრის ქარი ჰქროდა. ველზე, სადაც ახლა ნელლო და პატრამი მიდიოდენ, საშინლათ ციოდა.

დიდ ხანს მიდიოდენ... საათმა ოთხჯელ დაჰკრა, როცა ისინი სოფელს მიუახლოვდენ. უცებ პატრამი შედგა, თითქო თოვლში რაღაც იგრძნო. მერე მივარდა ერთ ადგილს და გაჩქარებით თხრა დაუწყო. ცოტა ხანს იქით თოვლს ქვეშიდან ამოათრია დიდი მიხაკისფერი ტყავის ქისა და ნელლოს გაუწოდა. ძალიან ბნელოდა, მაგრამ იქვე ახლოს დიდი ჯვარი იყო ამართული და ამ ჯვრის გვერდით ფარანი ბჭუტავდა. ბავში მიუახლოვდა ფარანს და ქისას თვალიერება დაუწყო. ქისას ბაას კოგეზის სახელი ეწერა, შიგ კი ორი ათასი მანეთი იდგა. ამ ნაპოვარმა გამოაფხიზლა ბავში, მან უბეში ჩაიდგა ქისა და პატრამს მოფერებით თავზე ხელი გადუსვა. ძალღი ყურადღებით მიჩერებოდა პირდაპირ თვალეში თავის პატრონს.

ნელლომ წისქვილისაკენ გასწია. ის მიუახლოვდა კარებს და მაგრათ მიუბრაზუნა. ნამტირალეემა მეწისქვილის ცოლმა მაშინვე გარეთ გამოიხნედა; დედის გვერდით ალოიზა იდგა და მის კაბას მაგრათ ჩაფრენოდა.

— შენა ხარ, საცოდავო ბავშო!—სიყვარულით უთხრა ქალმა ნელლოს, თუმცა ცრემლები ახლაც ვერ შეეკავებინა.—წადი, წადი მალე, კოგეზს თვალით არ დაენახო! დღეს დიდი უბედურება დაგეტყდა თავს. ჩემი ქმარი ახლაც ფულის საძებნელათ არის წასული... ქალაქიდან რომ ბრუნდებოდა, ჯიბიდან ქისა ამოვარდა და დაეკარგა... სულ მთლათ დავიღუპეთ... უთუოთ ღმერთი გესჯის ყველა იმ უბედურებისათვის, რაც შენ მოგაყენეთ!

ნელლომ ჩუმად გაუშვირა მეწისქვილის ცოლს ნაპოვნი ქისა, მერე პატრაშს ოთახისკენ დაუძახა.

— პატრაშმა იპოვა ეგ ქისა! — თქვა მან ცოტა ხანს იქით. — უთხარით კოგეზს... მაშინ უთუოთ აღარ გამოაგდებს საცოდავს და ბინასა და საქმელს მისცემს აქ... ნუ გამოუშვებთ, ნება არ მისცეთ რომ მე წამომყვეს და, თუ ღმერთი გწამსთ, გულკეთილათ მოექცი-  
ციოთ! — და, სანამ ვინმე მიხედებოდა, რასაც აპირობდა ნელლო, ის ძირს დაიხარა, მსურვალეთ აკოცა პატრაშს ორივე თვალებში, უცებ გამოიგდო კარი და ღამის წყვილიაღში გაჰქრა.

ქალი და პატარა ბავშვი ძლივს გამოერკვენ მეტი სიხარულისაგან; მათ დაუწყეს ხვევნა და კოცნა თავის მხსნელ პატრაშს, მიუტანეს ტკბილი ქაღები, ხორცი, ცდილობდნენ ცეცხლთან მიეყვანათ და გაეთბოთ... მაგრამ ყველაფერი ამაო იყო, უნუგეშო პატრაში არც ჭამდა, არც სვამდა და არც ცეცხლს უახლოვდებოდა, კარებს არაფრით არ ცილდებოდა.

ექვს საათზე დაღალულ-დაქანცული მეწისქვილე დაბრუნდა შინ.

— დაიკარგა! — აკანკალებული ხმით თქვა მან. — ფარნით ვეძებ-  
ბეთ ყველგან... ალოიზას მზითევი და მთელი ჩენი სიმდიდრე —  
ყველაფერი გაჰქრა!

ცოლმა ქისა გაუწვდინა და ყველაფერი უამბო. სასტიკი მო-  
ხუცი უცებ მთლათ აცახცახდა და აღეღებუი დაეშვა სკამზე.

— რა ავით ვეპყრობოდი! ძლივს წაილაპარაკა ბოლოს მან. —  
ღირსი არ ვიყავი, ღირსი, რომ ასე მომქცოდა!

პატარა ალოიზამ გაბედა, მიუახლოვდა მამას და მის მხარს მიაყ-  
რდნო თავისი ქერა თმა ხუჭუჭა თავი.

— ნელლო ისევ ივლის აქ, არა, მამა? — ნელი ხმით ჰკითხა  
მან. — ხვალეე მოვა, ხომ?

მეწისქვილემ გულში ჩაიკრა პატარა ქალი. მისი მზისგან დამ-  
წვარი სახე ახლა საშინლათ გაყვითლებულიყო, ტუჩები აღეღები-  
საგან უთრთოდა.

— დიხაც. დიხაც!—მიუგო მან.—ამ დღესასწაულებს ჩვენთან ერთად გაატარებს. როცა მოუნდება, მაშინ მოვა ხოლმე ჩვენსას. ძალიან დანაშაული ვარ მის წინაშე, მაგრამ ღვთის მადლით, ვეცდები ყველაფერი გამოვიყიდო.

გახარებულმა ალოიზამ მხიარულად გადაჰკოცნა მამა, ჩამოხტა მისი მუხლებიდან ძირს და კარებთან ატუზულ ძაღლთან მიიბრინა.

— დღეს შემძლია შეენიერთ გავემასპინძლდე პატარაშ!— ბავშური აღტაცებით წამოიძახა მან.

მამა მისმა თავი ძირს ჩაჰკიდა.

— ჰო, ჰო, გაუმასპინძლდი ყველაფრით, რაც კი რამ კარგი გაგვაჩნია!—აღელვებით უთხრა მან.

რადგანაც შობის წინა დღე იყო, წისქვილში ბევრი რამ იყო კარგი და გემრიელი: რძე, ნაღები, თაფლი, სხვა-და-სხვა საჭმელი და ტკბილეულობა; ოთახის კედლები გვირგვინებით და სხვა-და-სხვა ფერი ფარნებით იყო მორთული; მთელ სახლში სითბო, სინათლე და მხიარულება სუფევდა... პატარა ქალი ძაღლს თავს ევლებოდა, მაგრამ პატარაში არაფერს ყურადღებას არ აქცევდა; სიცივისაგან მთლად გაყინულს მას ძალიან შიოდა, მაგრამ უნელლოვით ის ყველაფერზე უარს ამბობდა, უნელლოვით მას არც სითბო და არც სასმელ-საჭმელი არ უნდოდა; ის დაღონებით იჯდა კარებთან და მარტო იმას ფიქრობდა როგორმე გაეიპარო.

— ბავშს ელის!—თქვა კოგეზმა.—რა კეთილი ძაღლია! დაიცადოს! გათენდება თუ არა, წავალ ნელლოს მოსაყვანათ!

მეზობლები წამ და უწყემ შემოდრიოდენ წისქვილში, სვამდენ თითო ჭიქა ლუდს და ეახშმისთვის მომზადებულ შემწვარ ბატს შეექცეოდნენ. პატარა ალოიზა, იმ ფიქრით გამხიარულებული, ხვალ ჩემი მეგობარი ისევ ჩემთან იქნებაო, სულ ხტოდა, თამაშობდა და ცეკვამდა. კოგეზი მხიარულად იღიმებოდა თავის ქალს რომ შეჩერებოდა და სულ იმას უმეორებდა, შენ პატარა მეგობარს სამუდამოთ უზრუნველ ვყოფო. ალოიზას დედაც მხიარული სახით ართავდა ცეცხ-



ლაპირას; ყველა ეფერებოდა, ყველა ეხაფიფებოდა პატრაშს, მაგრამ მისთვის უნელლოოთ არაფერს არაფითარი მიმზიდველობა არ ჰქონდა.

როდესაც ვახშმისთვის სტოლი დახურეს, როდესაც სტუმრები მას გარს შემოაქსნდენ და ხმა მალლა ლაპარაკი დაიწყეს, როდესაც ალოიზა ყველას საშობაო საჩუქრებს ურიგებდა—პატრაშმა დრო ხელთ იგღა; ის უცებ გასრიალდა ღიათ დატოვებულ კარებში და გზისკენ გაეშურა ამ ბნელ, სუსხიან ზამთრის ღამეში. მას ერთათ ერთი სურვილი ჰქონდა—რამე ნაირათ ნელლო ეპოენა.

## IX.

მთელი ღამე თოვდა, თეთრ ზეწარს სრულიად დაეფარა ნელლოს კვალი. ქარი მძლავრათ ჰქროდა. გზაზე ჯვრებთან დანთებული ფარნები სულ ჩამქრალიყვენ; ისე ბნელოდა, რომ თვალი ქონებსაც კი ვერ არჩედა. გარეთ სულიერი ადამიანი არ ჩნდა, ყველა ღზინობდა და მზიარულეებდა თბილ და ნათელ ოთახებში, მხოლოთ პატრაში, მოხუცი, უძლოური, მშიერი პატრაში დაეხეტებოდა სიბნელეში და სიცივეში... მას ძალ-ღონეს აძლედა ყოვლათ შემძლებელი, თავგანწირული სიყვარული.

შუალამე გადასული იყო, როცა პატრაშმა ნელლოს კვალს მიაგნო, ქალაქის ვიწრო, მიხვეულ მოხვეულ ქუჩებში. ქალაქშიდაც სიბნელე სუფევდა. მხოლოთ აქა-იქ, მოკეტილ დარაბებიდან გამოსჰქრეტდა სანთლის შუქი. ისმოდა ქარის მძლავრი შხუელი, რომელიც ფარნის სვეტებს იქით აქეთ არხედა და დუქნების წინ მიკრულ ფიცრებს თვისი ადგილიდან ჰგლეჯდა.

იმდენ ვისმეს გაეელო ამ გზებით, იმდენი სხვა-და-სხვა კვალი ჩნდა თოვლზე, რომ პატრაშს ძალიან უძნელდებოდა ნელლოს კვალზე გაყოლა. მაგრამ დაღალული მშიერი პატრაში მაინც იმედს არ ჰკარგავდა და მოთმინებით განაგრძნობდა ძებნას, არც სიცივეს, არც ყინვას, არც აედარს ყურადღებას არ აქცევდა. გაყინული თოვლი

თათებს უსისხლიანებდა, სუსხიანი ქარი თითქო ძელებშიდაც კი უჯდებოდა, მაგრამ ის მაინც სულ მიდიოდა და მიდიოდა... მალე ტაძარს მიუახლოვდა.

ლოცვის შემდეგ ტაძრის კარები აღარ დაეკეტნათ და ის ფართო იყო დაფელილი. განიერ საფეხურებზე პატარაშმა ნაცნობი კვალი დაინახა; ის გაჰყვა მას, შევიდა ჩუმ და ბნელ უზარ-მაზარ ტაძარში და კანკელს მიუახლოვდა. იქ, კანკელის წინ, ქვეს ცივ იატაკზე, ნელო იყო გაშხლართული... პატრაში ნელა მიუახლოვდა მას და სიხარულით სახე აულოკა; —ნუ თუ გეგონა რომ თავს დაგანებებდა? —თითქო ეკითხებოდა ამ მოფერებით ის პატარა ნელოვს. —მე ხომ შენი მეგობარი ვარ! ბავში წამოიწია, მეგობრის დანახვაზე სიხარულით წამოიყვირა და მხურვალეთ მოეხვია მას კისერზე.

— ერთათ მოეკედეთ... —წაუფურჩულა მან. —არც მე და არც შენ არავისთვის საჭირო არა ვართ, არც ერთი არავის არ ვუნდევართ!

პატრაში კიდევ უფრო ახლო მიუჩია ბავშვს და თავისი გაბურძენილი თავი გულზე დაადვა. მის დიდ, აზრიან თვალებში ცრემლები ბრწყინავდნენ.

ორივე მეგობარი მაგრათ მიეკრნენ ერთმანეთს. საშინლათ ყინავდა, დიდ, ქეთკირის კედლებიან და ქვის იატაკიან ტაძარში კიდევ უფრო ციოდა ვიდრე გარეთ. სიჩუმეს არაფერი ხმა არ არღვევდა, მხოლოდ ხან და ხან ღამურა თუ გაიფთხრიალებდა ხოლმე. სიცივისაგან ბავშვსაც და ძალოსაც მაგრათ ჩაეძინათ. ორივეს უწინდელი ბედნიერი დღეები ესაზრმათ, ის დღეებო, როცა უზრუნველები და მხიარულები მწვანე-მინდორ-ველებზე დარბოდნენ და თამაშობდნენ, ან და მოშრიალე ლერწმებს შორის იჯდნენ და წყალზე ჰიმავალ-მომავალ ნაგებს თვალყურს ადევნებდნენ.

უეცრათ თეთრი ბრწყინვალე შუქი შემოვიდა ფანჯარაში და მთელი ტაძარი ისე განათა, თითქო დღე ყოფილიყოს. მთვარეს გაეხია ღრუბლები და გახარებული, ციმციმი გადმოიყურებოდა ქვეითკენ. ამ ნათელი მთვარის შუქი პირდაპირ რუბენსის ორ დიდ





ნახატს მიეფინა, რომლებსაც, შემოსვლისას, ნელომ ტილოები ჩამოჰკლიჯა. უცებ ბავშს გაეღვიძა და სწრაფათ ზეზე წამოხტა.

— ოჰ! აკანკალებული ხმით წამოიძახა მან და აღტაცებით გააშვირა ორივე ხელი ნახატებისკენ.— მე ვხედავ მათ!— მისი დადი შავი თვალებიდან ცრემლები გადმოგორდენ.— ღმერთო, გმადლობ, გმადლობო!

აქ ბავშს ფეხთ მოეკეცა და ის მუხლებზე დაეშვა, თუმცა მშვენიერ ნახატებს მაინც თვალს არ აშორებდა. ერთი წუთი კდეც — და სინათლე გაქრა, წყვილიაღმა ხელ-ახლავ მოიკცა იქაურობა... ნელო უძლურათ დაეცა პატრაშს გულზე.

## X.

დილას ანტვერპენის მცხოვრებლებმა კანკელის წინ იპოვეს ჩახუტებული ბავში და ძაღლი. ორივე გაყინულიყვენ ამ სასტიკ ღამეში. მათ დაჩერებოდა რუბენსის ნახატები, ახლა მზის მხიარული სხივებით განათებული.

მოვიდა ტაძარში სასტიკი შეხედულობის მოხუცი კაცი და მათ დანახვაზე მწარეთ ატირდა; ის ამბობდა.

— მე ავთ ვექცეოდი ყმაწვილს... დანაშაულის გამოსასყიდათ გადავწყვიტე, მეშვილნა და ჩემი საცხოვრებლის ნახევარი მაგისტვის გადამეცაო...

მერე მოვიდა დიდი, სახელგანთქმული მხატვარი.

— მე ვეძებ იმ შესანიშნავ ყმაწვილს, თქვა მან— რომელსაც, თუ სამართალი იყო, ჯილდო უნდა რგებოდა. მან სულ უბრალო ნახატი დახატა, მოხუცი, დაღალული ტყის მცველი, მაგრამ ის უბრალო ნახატი გასაოცარ ნიჭს ამტკიცებდა. მე მინდა ის ნიჭიერი ყმაწვილი ავიყვანო და ხატვა კარკათ შევასწავლო... ერთ დროს შესანიშნავ მხატვრათ შეიქნება.

კიდეც უფრო გვიან მოვიდა პატრა, ქერა თმანუჭუჭუა ქალი-

შეილი. ის მწარეთ ჰქვითინებდა, მამის ხელს ეკვროდა და გულსაკლავათ ეძახდა ნელლოს:

— ნელლო, ჩემო კარგო, ჩემო საყვარელო ნელლო, წამოდი, გააღვიძე და წამოდი, ჩვენ ყველაფერი მოვამზადეთ შენთვისო; — მაგრამ ფერმკრთალი ახალგაზდა სახე, რომელიც რუბენის მშვენიერი ნახატებისკენ მიქცეულიყო, თითქო რაღაც მწუხარე ღიმილით უპასუხებდა ყველას — „გვიანდა არისო!“

ყინვიან ჰაერში სასიამოვნოთ გაისმოდა ეკლესიებში ზარების რეკა; მზე მზიარულათ აქათქათებდა თოვლით მოცულ არე-მარეს, სადღესასწაულოთ მორთული ხალხი ქუჩებში ირეოდა... მხოლოდ ნელლო და პატრაში იყვენ უძრავათ და უკრძნობლათ; ახლა ისინი მოწყალეებს აღარავის თხოვდენ, მათ აღარაფერი ეჭირვებოდათ.

მთელი საცოცხლე ერთათ გაატარეს — სიკვდილმაც ვერ დააშორა ერთი მეორეს. ბავში ისე მაგრათ მიხუტებოდა ძაღლს, რომ ორი მეგობარი ერთმანეთს ძლივს მოაცილეს. ორივე ერთათ დამარხეს.

ელ. წერეთელი.



## პურის მარცვლები.

(აზრი რუსულიდან)

კუძღვნი საშა ციციშვილის ქალს.

I.

დათესვა.



ვილო მიტრო, რატომ არ დაიძინებ? განა არ გეძინება? დღეს მთელი დღე გუთანზე იჯექ ამ ჰანანაქება სიცხეში, მოქანცული ხარ და სვალაც აღრე უნდა ადგე; ხომ იცი სვალ დასაფარცხი გვაქვს და თესლი ადრიან უნდა გავიტანოთ!“ — ეუბნებოდა მზია თავის უფროს ვაჟს — რვა-ცხრა წლის მიტროს, რომელიც კარებ წინ ჰატარა ჯირკსე ჩამომჯდარიყო და მიწიან წინღებს ფშვნეგავ-ბერტეავდა.

მზიას, მიტროს გარდა, კიდევაც ჰყავდა ერთი ვაჟი ბესო — შეიდი წლისა და ერთიც ქალი — თამრო — ხუთი წლისა. ეს უკანასკნელები იქვე დერეფნის ტახტზე გაძლილ ლოკინში ჩაკორებულად იყვნ და, ის იყო, ძილს აპირებდენ, როდესაც გაიგონეს დედის სმა. ბესომ მაშინვე გააჭვიტა თვალები და, რომ დერეფანში ვერავინ დაინახა — ტირილი



დაიწყო. მანა მაშინვე შემოვიდა გარედან, მოუწვა შვილს გვერდით და დაუწყო ალერსი, რომ მტირალი ბავში გაეჩუმებინა.

— სუ, შვილო, კენაცვალოს დედა! აბა, რა გატირებს? შენოდენა კაცის ტირილი გაგონილა! დაიძინე და დილაზე ფარცხზე დაგსვამ; ხომ გიყვარს ფარცხზე ჯდომა? არ გახსოვს, მარშან რომ უჯექი ხოლმე?

ბესომ დედას ბუბუბებში ჩაუყო ზატარა ხელები და, დედის ალერსით გულ დამშვიდებულმა, მიღს მისცა თავი. თამაროს, ცოტა არ იუოს, გულს დააკლდა, რომ თითონაც არ ჩაეხუტა დედას; მაგრამ, რომ გაიგონა დედის სიტყვები — დილაზე გაგაღვიძებ და ფარცხზე დაგსვამო, ეს უფრო შემურდა და დაუწყო დედას ხვეწნა, მეც გამაღვიძეო. ფარცხზე დაჯდომა ისე ესალისებოდა, რომ ამ სურვილით გატაცებულმა ახლავე მოინდომა ამის შესრულება.

— დედა, შენი ჭილიმე, ახლავე დამცვი ფალცხზე, ეტიტინებოდა თამრო დედას.

— არა, შვილო! უთხრა დიმილით დედამ. ახლა როგორ იქნება, — დილაზე ხორბალი უნდა გავიტანოთ, მამაშენი დათესავს ხნულში და ფარცხსაც მაშინ შევაბამთ.

— ლოკოლ უნდა დათესოს, დედა? ჰკითხა თამრომ.

— ხვალ, შვილო, მამა ჩაიყრის სათესში ზურის მარცვლებს, აი, კოდორში რომ არის, და მერე ხელით

დახანვეს სნულში. მერე ფუფალა წვიმას მოიყვანს, ჩვენი ჰური მწვანე ჯეჯილათ ამოვა, ის ჯეჯილი კაიზდება, გაიკეთებს თავთავებს, რომლებშიაც ბევრი იმისთანავე ჰურის მარცვლები იქნება.

— მელე, დედა? დაეკითხა დედას თამრო.

— მერე, შვილო, იმ თავთავიან გახდილ ჯეჯილს, რომელსაც უნახს ვემხნით სოლმე, მოვმკით, კალოზე მოვიტანთ, გავლექნათ და ბევრი ჰური გვექნება.

— მელე, დედა? კიდევ დაეკითხა თამრო და ამ კითხვის დროს რაღაცა შიშისა თუ სიამოვნების ჟრუნტელმა დაურბინა მთელ ტანში: იმას ვერ წარმოედგინა, თუ რათ, ან როგორ იქნება ეველა ეს, რაც დედამ უამბო; ეს უკანასკნელი „მელე, დედა?“ — ამ გამოურკვეველმა მდგომარეობამ წარმოათქმევინა ბავშს.

— მერე, გენაცვალოს დედაი, შვილო, იმ ხორბალს დაფუქვავთ წისქვილში და კაი ლამაზ კვეკვერას გამოგიცხობ... მაშ, აბა, ჩემო გვრიტო, ესლა შენც დაიძინე და დილაზე თუ არ დაიხარებ და ადრე ადგები, ბოლო მუჭა ხორბალი შენ ჩაუყარე სათესში მამაშენს დასათესათ და ვნახოთ როგორი კაი ხელი გაქვს და შენი ანგელოზი როგორ გაგვიზრდის უნახს! ამ სიტყვებით მანია გაჩუმიდა, თამრო კი გადაბრუნდა მეორე კვერდზე და ძალეც მიეძინა.

დაეძინა თამროს, მაგრამ მთელი ღამე ათასნაირი სი-

ზმრები ნახა და ეველაზე საშინელი სიზმარი კი ის იყო, რომ, ვითომ დილით ადრე გაიღვიძა და, როგორც დედა შეჭჭირდა, ჩაჭყარს სათესში ერთი მუჭა სორბალი, ამ დროს იმისი ძმა ბესო მიეპარა ჩუმათ და უკანასკნელი მუჭა იმან ჩაჭყარა, თან შემოჭკვრს ტაში და სტუნაობით გავარდა კარში! თამროს უნდოდა არ ჩამორჩენოდა ძმას და კიდევ ჩაეყარა სორბალი, მაგრამ ვითომ ცოდორში ველარ ჩასწვდა სორბალს და გულმა ისე საშინლათ დაუწყო მაგ-მაგი, რომ შემინებული ზეზე წამოჯდა და აქეთ იქით დაიწყო ცქერბ ნაძმინარევი თვალებით, დიდხანს ვერ წარმოედგინა, თუ სად იყო და შიშისაგან ხმას ვერ იღებდა. სწორეთ ამ დროს შემოვიდა კარედან ძაია და, რომ დაინახა გამოღვიძებული თამრო, სიამოვნებით ჩაიკრა გულში და ალერსით და კოცნით შვილი გამოაფხიზლა და ტანთ ჩააცვა.

როდესაც სორბალი ამოიღეს და თავისი ძმებიც კარში გაიგულა, თამრომ დედას მოაკონა წუსანდელი დანა-პირევი და უკანასკნელი მუჭა სორბალი ჩაჭყარს სათესში თავისი ჰაწაწა ხელით.

— შენ გენაცვალოს ჰაზა შენი, ჩემო გოგონავ! ანგელოზი გოგონა ხარ და იმედიცა მაქვს შენ იღბალზე კეთილი ანგელოზის მფარველობა და ღვთის მადლი არ მოაკლდება ჩვენ დღეებანდელ ნათესს! თქვა გიგოლამ და სიუვარულით ჩაჭკოცნა თავისი ცუგრუმელა შვილიშვილი.

— ახლა კი წამოდით, შვილებო, ფარცხზე დაგსვით,

უთხრა შვილებს მანამ, როდესაც მისმა ქმარმა თესვა გაათავა და ფარცნი შეაბა.

II.

ჯ ე ჯ ი ლ ი.

თუძვა კი ევაჟილები აღარ აღამაზებდენ მინდორს, ხეებზე ფოთლები დაუვითლებულიყვენ და ძირსა ცვიოდენ, ტორლოლას სმაც აღარ ისმორდა ჰაერში, მადლა მთებზედაც თოვლს თეთრათ გაუდიოდა ლაზლაჰი, მაგრამ მინც შვენირი შემოდგომა იყო: ძალიან თბილი დღეები დაიჭირა და, ხანღისხან, ჟუჟუნა წვიმაც მოდიოდა, გიგოლანთ დათესილი სორბალი თბილმა წვიმამ გააღვიმა, გააღოჯა და თბილმა დღეებმაც იმათ ფესვები მიწაში გაუმაგრა და ღოჯების წვერები დედამიწის ზემოდან ამოაყოფინა. ისე ამწვანდა მთელი ნათესი, ისე დაიწყო ბიბინი თითქო მწვანე ხავერდით მოუფენიათ იქაურობაო. თამროს მოხუცებულ ჰაჰის გულმა ვედარ გასძლო ნათესის უნახობა და ჯოს-დაბჯენილმა ნელი ნაბიჯით გასწია მინდორისკენ, თამროც აედევნა თან ჰაჰას; აგერ მივიდენ კიდევ ჯეჯილთან. ჰაჰა გიგოლა შეჩერდა; ჰირჯვარი გამოისახა და სიამოვნებით დაუწყო ცქერა აბიბინებულ ჯეჯილს.

— გამდლობ შენ, უფალო, რომ მუდამ ძფარველი ხარ შენგანვე გაჩენილი ხალხისა და შენს მოწუალებას არ გვა-

კლებ, რომელს ნახევარსაც დირსნი არა ვართ! წარმოთქვა იმან.

თამრო გამტკრებით უცქეროდა ხან ჰანას და ხან ჯეჯილს და ვერ წარმოედგინა, თუ რას ნიშნავდა ჰანას სიამოვნება.

— ჰანი, დედამ მითხლა, ბევლი ბაბა მოგვივარო! აბა სად აღის ბაბაი? — დაკითხა მოხუცს თამრო.

— აი, შვილო, ეს ძაღე ბაბათ იქცევა სულა! მიუგო ჰანამ და მიუთითა ჯეჯილზე.

— ეს ბაბახი ალ აღის ძეღე! განაგრძო თამრო.

— ჭო, შვილო, ბაბახია, მაგრამ ისეთი ბაბახია, რომელიც უნათ გაიხრდება და უანიდან ხომ ჰურის მარცვალნი მოგვივა და ძერე დავუქვავთ და ბაბახსაც გამოვაცხობთ.

თამრო გაჩუქდა. მას, რასაკვირველია, ვერ წარმოედგინა, თუ როგორ გადაიქცეოდა ეს ბაბახი „ბაბათ“, მაგრამ უცებ მოაგონდა დედის ნათქვამი — კვეკვერას გამოგიცხობო და ეს კი საკმაო იყო, რომ ბავში აღტაცებაში მოსულიყო.

— დედაი კვეკველას გამომიცხობს! დაიძახა სინარეულით თამრომ, შემოჰკრა ჰაწაწა ხელებით ტაში და დაიწყო სტუნაობა ჯეჯილში.

— ნუ, შვილო, ჯეჯილს რათა ჰქელავ, გენაცვალოს ჰანაი, უთხრა მოხუცმა, განა გინდა რომ აღარა მოგვივი-



დეს რა? ხომ ფუფულა გაჯავრდება ჯეჯილის გაფუჭები-  
სათვის? ეს სიტყვები საკმაო იყო, რომ თამრო ჯეჯილს  
ძოძორებოდა; მას თუმიცა ძრეულ უნდოდა მწვანე ბალახში  
გაკორება, მაგრამ ველარ გაბედა და ახლა, ჰაჰის ჩონახე  
ხელ მოკიდებული, სიამოვნებით შესცქეროდა აბიბინებულ  
მინდორს.

ჰაჰა და თამრო რომ შინისკენ გამობრუნდენ, მოხუცს  
შთაგონდა, რომ ბავში დატუქსა ჯეჯილში სირბილისა-  
თვის და გული დაეთუთქა, რომ გული გაემსიარულებინა  
თამროსათვის, ჰკითხა:

— აბა, მითხარნი, თამრიკო, ვინ იყო, რომ ბოლო  
მუჭა სორბალი ჩაუყარა მამას კალთაში?

— მე, ჰაჰალო! მიუგო სინხრულით გაწითლებულმა  
ბავშვმა და მოესხია ჰაჰას მუსლებზე.

— ჰო, და, კიდევ იმიტომ არის კაი ჯეჯილი, რომ  
კარგი ცოგონა შეეყვანა და ბედნიერი ხელიცა გაქვს, ჩემო  
ცუგრომელა! უთხრა მოხუცმა, აიყვანა ხელში და დაწყო  
კოცნა, რის სამაგიერო ველზე შემოხვეულმა თამრომ კო-  
ცნითვე გადაუსხდა...

გავიდა შემოდგომაც და დაიწყო ზამთარი; ტყე და  
მინდორი სულ გათეთრდა თოვლისაგან. სხვა ბავშვებთან  
ერთათ მიტრომ და ბესომ თამროც წაიყვანეს თოვლზე  
საციკაოთ, მაგრამ ამ უკანასკნელმა რომ თავიანთი ჯეჯი-  
ლი ველარ დაინახა, ტირილით გამოიქცა სახლისაკენ და,  
მისვლის უძალ, გულ ამოძვდარი, მივარდა დედას.

ბავშვის დედ-მამას და ჰანას ძალიან შეეშინდათ, თამრო რომ მტირალი დაინახეს და დაუწვეს გამოკითხვა, თუ ვინ ატირა. მან დიდხანს ვერ უთხრა მობლებს და ბოლოს, როდესაც ცოტა გული დაიმშვიდა დედის გულში ხელეხ ჩაუფილმა, ნამტირალევი ხმით წარმოთქვა!

— ჩვენი ჯეჯილი აღაღ ალის და შედ სულ თეთლი თოვლი დაუდგიაო!..

ამ სიტყვებზე, რასაკვირველია, ეველას გაეცინა და ჰანამ უთხრა ალერსით:

— არა, ჩემო გვრიტო, ნუ გეშინიან! ეკ თოვლი უფრო კარგ ეანას გაგვიხდის და ბევრი ჰურიც გვექნება. თოვლეკემ ჩვენი ჯეჯილი მხოლოთ დაიძინებს და გასაფხულზე კი, როცა თოვლი აღარ იქნება, ჯეჯილიც ისევ გაიღვიძებს, ღმერთი მოწუალეს, შვილო, და კვეკვერებიც ბევრი გექნება.

ჰანას არას დროს არ მოუტეუებია თამრო და ამიტომ ახლაც იმის სიტყვები დაიჯერა. თუმცა კი ვერ მოესაზრა — ციკ თოვლს როგორ გადარჩებოდა ჯეჯილი, მაგრამ ზანც დარწმუნებული იყო, რომ ეველა ისე მოხდებოდა როგორც ჰანამ უთხრა და კვეკვერებიც ბევრი ექნებოდა, ასეც მოხდა; მართალი თქვა ჰანამ, — ჯეჯილს მხოლოთ ეძინა სქელ თოვლ ქვეშ და გასაფხულზე, როცა თოვლი აიღო, ჯეჯილმაც გაიღვიძა და დაიწყო მწვანეთ ბიბინი და სრდა.


ლუარსაბ ციციშვილი.

(შემდეგი იქნება)

# ახალი თეხოსი.

(ფრანგულიდან).

VII.



ემ ამ გვარ მამაცურ ბაქიაობას ის შედეგი მოჰყვა, რომ იაკობის მეგობრობა ჩემ მიერ გაგრილდა. ნეტაი თუ შურდა მას? არა მგონია; ფრანგებმა შური არ იციან, მეტადრე თუ სიმამაცეს შეეხება. იმას ტუჩებზე დაცინვის ღიმილი ეკერა და ეს ღიმილი საშინლათ მამბრახებდა. უნდა გამოგიტყდეთ, ჩვენში კი დარჩეს ეს, რომ ჩემი ისეთი გადაწყვეტილი აზრი მინოტაეროს შესახებ ძალიან მაწუხებდა; რა საშინელება რამ უნდა იყოს, დიდებულო ღმერთო?! საშიშარი გოლიათი სახლზე უმადლესი ანუ დამწყული კაცი მჭამელა, რომელიც ბავშვებს ეტანება, როგორც ზოგიერთ ზღაპრებშია ხოლმე ნაამბობი! შიშით ვკანკალებდი, როდესაც ჩემი დაუფიქრებელი სიტყვები მაგონდებოდა! განა ახლა შეიძლებოდა უკან დახევა და ამ გმირული სახელის შეუტრაცხოვა..? ოჰ! რა ბედნიერი ვიქნებოდი რომ ახლა ათინაში ამომეყო თავი მამიდა ევენტისთან, რომელიც თავისთვის მოსვენებული ჩუღქსა ჰქსოვდა და აზრათ არ მადლოდა საწყალს, რომ მე ასეთ საშინელ და საშიშარ განსაცდელში ვიყავი.

ოცდა თექვსმეტი საათი იყო გასული რაც პირვიდან გამოვედით და პატარა კუნძულს დიას მოვეუახლოვედით; ეს კუნძული კრიტის პირდაპირ არის და იქ გემები იმიტომ ჩერდებიან, რომ სიმრთელის მოწმობა მიიღონ, რომ გემზე გადამდებ-სენით არაფერ არის ავად, და თავისუფლათ შევიდენ ნავთსადგურში.

მე გაშტერებული შევცქეროდი კრიტის უზარმაზარ მთებს და

გორაკებს. ამ უზარმაზარმა მოშავ-მოლურჯო, მცენარეებს მოკლებულ-მა ტიტველმა მთებმა ძალიან ცუდი შთაბეჭდილება მოახდინა ჩემზე და როდესაც რუდას მოვედით (ნავთსადგური, სადაც ჩვენი გემი უნდა დამდგარიყო) უფრო უარეს გუნებაზე დავდექი. სოფლები მთის ფერდობებზე იყო გაფანტული, აქა-იქ მინარეტები მოჩანდა, ჩვენ სათათრეთში ვიყავით, იმ შემავიწროებელ და ბარბაროს ხალხთან, რომლებიც ბერძნებს ისე საშინლადა სძულთ.

ფარქო მინოტავრის შესახებ ლაპარაკს შემდეგ ახლოს არ მომკარებია და ხმა არ გაუცია ჩემთვის, ახლა-კი მომიახლოვდა და მიმითითა ერთ პატარა ნაგზე, რომელზედაც სამფერი ბაირალი იყო აშვებული და მითხრა:

— აი მამა ჩემი მოდის ჩვენ წასაყვანათ, გეხვეწები, თეხეოს, გუშინდელი ჩვენი ბაასის შესახებ ხმა არ ამოიღო და არ უამბო, დაიფიწყე ყველაფერი, დაცინვითაც თუ იყო რამე ნათქვამი.

— არა, არა, მე სრულებითაც არ მინდა რომ მშიშრობა დამწამონ, მეტადრე საფრანგეთის კონსულმა. მე მაინც კიდევ გუშინდელ აზრს ვადგივარ და ერთი წუთითაც უკან არ დამიხევია: მინოტავრი უთუოთ იმ გემის სკამს ქვეშ უნდა იყოს დამალული, რომლითაც მე უკან დავბრუნდები.

მე მომეჩვენა, რომ თითქოს იაკობმა მხრები აიწია, მაგრამ ყურადღება არ მივაქციე და წავედი ჩემი ბარგის მოსატანათ. როცა დავბრუნდი, იაკობი გემის მოაჯირთან იდგა და მხიარულათ თავის ცხვირსახოცს იქნევდა. კონსულის თეთრი კაპწია ნაფი ჩქარა მოჰქროდა ჩვენკენ. უკან ერთი მალალ ქუდიანი კაცი იჯდა, ერთი კონტათ მორთული ქალი, ერთი ყმაწვილი კაცი და ერთიც პატარა ქალი. წინ ჩანდნ ოთხი მენიჩბე, რომლებიც გაჩქარებული ნიჩაბს უსვამდნ რომ გემთან ახლო მოსულიყვენ.

იაკობი უსაზღვროთ ბედნიერი იყო. თავის დედ-მამა რომ დაინახა, საჩქაროთ ჩამოირბინა ვიწრო კიბე, რომელიც გემს მიაბეს ნაპირზე გადმოსასვლელათ, გადაჰკოცნა სათითაოთ დედა, მამა, თა-

ეისი საყვარელი პატარა და, რომელიც ხელში აიყვანა და თან ყველას შეელოდა ნაპირზე გადმოსვლას. მოწიწებით ხელი ჩამოართვა ყმაწვილ კაცს, რომელიც იმის დედ-მამას ახლდა. ბოლოს მიიხედ-მოიხედა და რაკი ნახა რომ მე ვაკლდი საყვარელ და სასურველ ჯგუფს, დამიძახა სიხარულისაგან აკანკალებული ხმით, მაღლა ასწია თავის ჩასუქებულ ვარდის ფერათ აყვავებული პატარა და, და მითხრა.

— უყურე, თეგოს, რა ლამაზია ჩემი პატარა მარგალიტა! თუმცა ერთი წელიწადია რაც არ უნახივარ, მაგრამ მაინც მიცნო... ჯერ კიდევ ძალიან პატარაა, სულ სამი წლისაა.

— კეთილი იყოს შენი მობრძანება, ბატონო ავაპიმენონ, მითხრა წამოსადგემა და ზრდილობიანმა კონსულმა და მეგობრულათ ხელი ჩამომართვა; ჩვენი იაკობის მეგობარი ჩვენი მეორე ვაჟიშვილი იქნება.

მე რაღაც წაეიბუტბუტე ჩემი დამტყრეული ფრანგული ენით, ქალბატონმა ფარჯომ, რომელმაც ჩემი სამშობლო ენა შევნიერათ იცოდა, ხელი მომკიდა და აღერსიანათ მითხრა:

— იმედი მაქვს რომ მზიარულათ და სასიამოვნოთ გაატარებთ დროს ჩვენსა. შევნიერი სასიერნო და სასიარულო ადგილებია ამ ჩვენ კუნძულზე; აი აქ ერთი შესანიშნავი ლაბირინთია (მიხეველ-მოხეველი გზა).

ამ ლაბირინთის ხსენებაზე ტანში გამაზრიალა; ეს უთუოთ ის ადგილია, საცა მინოტაური ცხოვრობს,—გავიფიქრე მე.

— მე დარწმუნებული ვარ, ეუპასუხე მე, როდესაც გონება მოვიკრიფე, რომ თქვენ შორის დრო სასიამოვნოთ და მალე გაირბენს. ძალიან უნდა უყვარდეს კაცს მეგობარი, რომ ამოდენა დაღალულობა აიტანოს და ამ სიშორე მგზავრობა შესძლოს.

— მეც ისე მოგივლით როგორც მამიდა თქვენი, განაგრძო ქალბ. ფარჯომ, იმან თქვენ შესახებ გრძელი წერილი და დარიგება მომწერა, ისა მწერს რომ, როცა დაიღალვებით და ოფ-

ლი მოგივათ, უთუოთ თბილი პერანგი უნდა გამოიცვალოთ და თბილი მუცლის შესაკრავი იხმართ, მეტადრე როცა ნამიანი დღეა, ყოველ ღამ თითო ჭიქა გასამაგრებელი შარბათი უნდა დალიოთ და დილაობით თითო ჭიქა რძე, პატარა თეთრი პური; არა, ბატონო, თეზეოს, ეს არ არის თქვენი ჩვეულება? ჰო! მართლა კინალამ დამავიწყდა, რომ დაწოლის დროს ყბები აიკრათ და ყურში ზეთში ამოვლებული ბამბა დაიცოთ, მეტადრე როდესაც კბილები გტკივათ...

უნდა გამოგიტყდეთ, რომ დიდათ შეურაცხყოფილი და გულნატკენი ვიყავი, რომ ეს შეენიერი კოპწია ფრანგის ქალი ქალბ. ფარქო, ისე მექცეოდა, როგორც განებიერებულ პატარა ბავშვს; მე, თეზეოსს, მომავალ კრიტის მსხვერპლს! მე იმის სიტყვებზე მწარეთ ვავიღიმე და პირობა მივეცი გუნებაში ჩემ თავს, რომ კონსულის მეუღლესთვის გამეცრუებინა ჩემ ჩვეულებებზე ის აზრი, რომელიც პატარა ბავშვის შესაფერი უფრო იყო, ვიდრე თორმეტი წლის ყმაწვილის. თორმეტი წლის ყმაწვილს თავისი თავი დიდ ეინმეთ მიაჩნია!

— თქვენ ერთობ კეთილი ბრძანდებით, ქალბატონო, ვუპასუხე მე, მამიდა ევენტიმ გადაჭარბება იცის ხოლმე, მე თქვენი კეთილი განწყობილების მეტს არაფერს არ ვსაჭიროებ.

ამ დროს გემის უფროსი მოგვიახლოვდა, გამოკვემშიდობა და ჩვენც ნაღში გადავსხედით; ის ოფიცერი, რომელმაც ისე დაცინვით მომიხსენია კიბეზე იდგა და დაცინვით გადმომძახა:

— ღმერთმა ხელი მოგიმართოს, ბატონო ავაპიმენონ, თქვენ მიღიხართ იმ ქვეყანაში, სადაც მტერი ბუდობს და სადაც თქვენგან ხსნას მოვლიან.

— მალე ჩემ ამბავს შეიტყობთ, ვუპასუხე მეც გაჯაერებით.

### VIII.

სწორე გითხრათ, ძალიან გამიკვირდა როდესაც კანდიის მცხოვრებლები გავიცანი. ისეთი საშინელი დევ-გმირი ბუდობდა იმათ მახლობლათ და ისინი კი ისე მოსვენებული და დამშვიდებული მუშაობდნენ. მეთულოვნე ნელ-ნელია ამსებდა თავის რუმბს წყლით

და მუშტრებთან ეზიდებოდა. მერძევე თავისი თინის ქოთნით ქუჩა-ქუჩა დადიოდა: „კაი რძე... დილის რძეო!“ გაჰკიოდა. მეთევზეები თავზე თავებით ცოცხალ თევზს და ფიხულსა ჰყიდდნენ.

რსმალოს დაღერემილნი სალდათებიც კი დაეინახე. თუმცა გახენილი ტანისამოსი ეცვათ და ტიტველა ფენებზე წულები წამოცმული ჰქონდათ, მაგრამ სუფთათ კი იყვენ. თავიანთი რჯულის წესით დღეში შეიღჯერ ნამაზს იკეთებდნენ (ტანს იბანდნენ). სწორე გითხრათ მე ძალიან შემაწუნებდა და შემავიწროებდა იმდენი ბანვა, ჩემ გაკვირებას საზღვარი არა ჰქონდა, როდესაც თათრის დედაკაცები მოჩვენებასავით, თავიდან ფენებამდის თეთრ ჩადრში გამოხვეულები, დაეინახე. სულ ყველაფერი ჩემთვის ახალი და გასაკვირველი იყო და კანდის ნათ-სადგურის ზნე-ჩვეულებები იმიტომ შეინტერესებოდა, რომ ჩვენ ჩვეულებებისაგან ბევრათ განირჩეოდა. ის ღამე ჩვენ ერთ მდიდარ სომხის ვაჭრის სახლში უნდა გაგვეთენებინა და მეორე დღეს კანადაში გაემგზავრებულეყავით.

ვახშამზე ყველაფერი არეული იყო: შაქრის პური, ხორცი, ხილი, ტკბილეულობა, თევზი, შარბათი და ფლაფი. მე და იაკობი შეგვიყვანეს ერთ დიდ ოთახში, რომლის იატაკზე, აღმოსავლეთის ჩვეულებისამებრ, ორი ლოგინი იყო გაშლილი. ქალბ. ფარჯოს ბალიშის ქვეშ ამოვდგა ყბის ასახვევი და ჭიქით გასამაგრებელი შარბათი დაეღვა. ამ დედობრივმა მზრუნველობამ კინაღამ ცრემლი მომგვარა, მაგრამ სიამაყემ უცბათ გამიშრო თვალები: აბა რას იტყვით, მკითხველებო, იმ გმირზე, რომელიც ყოველ დღე თითო ჭიქა წამალს სვამს ჯანის გასამაგრებლათ. ის კი ნუ გგონიათ რომ ეს სასმელი უგემური ან უსიამოვნო იყოს, მაგრამ ბევრათ განირჩევა იმ ნექტარისაგან, რომლითაც მეფე თეზეოსი ყელს ისევლებდა ხოლმე. ფარჯომ დაიჩოქა (ა დაწოლის წინათ ილოცა, მე ფეხზე წამოვდექი, მართლ-მადიდებელ ბერძნულ სარწმუნოების წესისამებრ, სამჯერ პირჯვარი გამოვისახე, შევნიერ რბილ ლოგინში ჩავწექი და იაკობთან გამოსალმების უმაღლე ჩამეძინა.



## დედამიწა.

(მოზნდიდ ყმაწვილებისთვის)

სოპერნიკის შემდეგ საუკეთესო ასტრონომები იყვენ კეპლერი და იტალიელი გალილეი. გალილეომ სხვათა შორის მოიგონა ტელესკოპი, რომელიც გამადიდებელი შუშების შემწეობით ცის მნათობებს ძალიან აახლოებს და ადიდებს. ტელესკოპმა ასტრონომიას დიდი სამსახური გაუწია: იმის შემწეობით შესაძლებელი გახდა ისეთი ვარსკვლავების დანახვა, რომლებიც სიშორის გამო თვალით ვერ დაინახებოდნ, მთვარის შესწავლა, მთიების (პლანეტების) და სხვ. ტელესკოპის გამოგონების შემდეგ დაიბადნ ორი შესანიშნავი ნიკის ასტრონომები: ინგლისელი ნიუტონი და ფრანგი ლაპლასი. ამ ორი გენიოსისა და სხვა მკვლევარების შრომით ასტრონომია დღეს კარგათ გამოკვლეული და საყურადღებო მეცნიერება არის. ასტრონომია იკვლევს და სწავლობს სამყაროს. სამყარო ჰქვიან დედამიწას და ყოველისფერს, რასაც ჩვენ ცაზე ვხედავთ: მთვარეს, მზეს, ვარსკვლავებს და სხვ. ყველაზე უფრო გამოკვლეულია ასტრონომიაში მზე და ის მთიებნი, რომლებიც მზის გარშემო ტრიალებენ. მზეს და ყველა მის მთიებთა ერთათ ჰქვიან მზის სისტემა; დედამიწაც ერთი მთიებთაგანია; ქართულათ მთიებს ჰქვიან აგრეთვე ცთომილი. ჩვენ ვცხოვრებთ დედამიწაზე, ის ატარებს ჩვენ ბედს, ჩვენ უბედობას;



სხვა ცთომილებზე ის უფრო ძვირფასია ჩვენთვის; ამიტომ მისი შესწავლაც უმაღლესი უნდა დავიწყოთ.

დედამიწა არის რგვალი ისე როგორც ბურთი. თუმცა ჩვენ თვალებს დედამიწა სრულიადაც არ ეჩვენება ბურთით, მაგრამ დედამიწა იმხელა არის და ჩვენ ისეთი მცირე მასთან შედარებით, რომ მისი სიმრგვლის თვალთ დაწახე არ შეგვიძლია. შეხედეთ ცას: მთვარე, მზე, ვარსკვლავები—ყველა ბურთით რგვალია; დედამიწაც სამყაროს ერთი წევრია: რაღა მართა ის გამოვიდოდა მახინჯი? მოგზაურები წასულან, უფლიათ სულ ერთი მხრისაკენ და რამდენსამე ხანს შემდეგ ისევე იმ ალაგას მოსულან, საიდანაც წაიღენ; ეს კი შეუძლებელი იქნებოდა, დედამიწა რომ რგვალი არ ყოფილიყო. ამას გარდა ბევრი მოვლენა არის დედამიწაზე, რაც მის სიმრგვალეს ამტკიცებს. თუმცა დედამიწაზე დიდი და მალალი მთებია, მაგრამ ისინი მის გარეგან მოყვანილობას ვერ ცვლიან: დიდ საზამთროში რომ პატარა კენჭები ჩაასოთ, საზამთრო მაინც რგვალი დარჩება. სულ მალალი მთა კი დედამიწასთან შედარებით გაცილებით პატარა ჩანს, ვიდრე კენჭი საზამთროზე.

ხალხს რომ ჰკითხო, გეტყვის: დედამიწა გველემავს უკავიაოეს, რასაკვირველია, სიცრუეა. დედამიწა არაფერს არ უკავია; ის თავისუფლათ დაცურავს ცის სიერცეში. ბევრმა იქნება იფიქროს: ამოდენა ბურთი რატომ არსად ვარდება, რა აჩერებსო? დედამიწაზე თუ თითქმის ყოველისფერი ძირს ვარდება, იმითომ რომ დედამიწა იზიდავს. ჩვენ რომ დედამიწა არ გვიზიდავდეს, ქარი მოგვიტაცებდა, არავითარი სიმძიმე არ გვექნებოდა და, ჰაერის რა ალაგასაც გვენებებოდა, იმ ალაგას გაეჩერდებოდათ თავისუფლათ, ჰაერში ისე დავიწყებდით სიარულს, როგორც ახლა მიწაზე დავდივართ, დედამიწასაც იზიდავენ მზე, მთვარე, ვარსკვლავები, ცთომილები. მართა მზე რომ იზიდავდეს დედამიწას, ის, შეიძლება, მზეზე დაცემულიყო, ისე როგორც ხიდან მოწყვეტილი ვაშლი ეცემა დედამიწაზე, მაგრამ ყველა მნათობები თავისაკენ იზიდავენ დედამიწას; ეს მნათობები ძალიან შორს

არაან; ამიტომ დედამიწა არც ერთზე არ ეცემა და მათი მიმზიდველობა მას მხოლოდ მზის გარშემო ატრიალებს. ის ლურჯი ცა, რომელსაც ჩვენ მალლა ვხედავთ, ნამდვილათ არ არსებობს; მხოლოდ ჩვენ თვალს ეჩვენება ასე, რადგანაც დედამიწას გარშემო აკრავს ჰაერი. ჰაერი ძირს უფრო სქელია, მალლა თანდათან თხელდება და ას ვერსზე ზემოთ აღარ არის. ამ ასი ვერსის სიმაღლე ჰაერს, რომელიც დედამიწას გარშემო არტყია, ჰქვია ატმოსფერა. ჰიქაში რომ ზღვის წყალი ჩაასხა, სრულებით უფერულია. ზღვას კი რომ დეჩერებიხარ, წყალი წამწვანო გეჩვენება, თითქო შიგ ლილა გაუხსნიათო; ეს იმიტომ, რომ ზღვა ღრმა არის. ჩვენ თუ დედამიწის ზევით ლურჯი ცა გეჩვენება, ეს იმიტომ რომ ჰაერის სიმაღლე ასი ვერსია; ამ სიმაღლის გამო უფერული ჰაერი ლურჯათ მოჩანს და ასე გვგონია, მალლა ცა არისო. ნამდვილათ კი არავითარი ცა არ არსებობს. დედამიწა რგვალია, მაზე ხალხი ცხოვრებს, მაგრამ არა-ენ არ ვარდება დედამიწიდან სიერცემში, იმიტომ რომ ყოველის-ფერს, რაც კი ჩვენ გარშემო არსებობს, დედამიწა იზიდავს; ამ მიმზიდველობას ჩვენ ვეძახით სიმძიმეს. დედამიწის ზოგიერთი ალაგი მტათ იზიდავს, ზოგი ნაკლებათ; ამიტომ ერთი და იგივე წონის ნიეთი რომ სხვა და სხვა, ძალიან დაშორებულ ალაგებზე ასწონოთ, ერთგან უფრო მხატე მოვა, მეორეგან უფრო მძიმე. ზოგი იფიქრებს: თუ დედამიწა რგვალია, ზოგან ხალხი თავდაყირა უნდა დადიოდეს, რადგანაც თავი ძირს ექნება, ფეხები მალლაო, მაგრამ ეს შემცდარი აზრია. დედამიწას გარშემო არტყია ჰაერი, ანუ, ჩვეულებრივი ენით, ცა. „მალლა“-არის ცისკენ, „ძირს“-დედამიწისაკენ; როცა ადამიანი მიწაზე დადის, თავი აქვს ცისკენ ანუ მალლა, ფეხები დედამიწისაკენ ანუ ძირს, დედამიწა რადგანაც რგვალია, რა ალაგასაც უნდა იყოს ადამიანი, ფეხები ყოველთვის ძირს ექნება, თავი ყოველთვის ცისკენ ე. ი. მალლა, ამიტომაც თავდაყირა არაეინ არ დადის.

მზე დილით ამოდის აღმოსავლეთისაკენ და ჩვენ ასე გვგონია,



ვითომც ის დედამიწასთან ძალიან ახლოს იყოს; შემდეგ მზე თითქოს თანდათან შორდება დედამიწას, მიდის მალლა-მალლა, და ნაშუადღევს ისევ დაემეება, მიუახლოვდება თითქოს დედამიწას და ჩავა; ერთი სიტყვით ჩვენ გეგონია, ვითომც მზე დედამიწას გარშემო უტრიალებდეს. მთვარეც მზესავეით ამოდის აღმოსავლეთით, გადივლის ცას და ჩადის დასავლეთით. თუ ვარსკვლავებს დაუკვირდებით, შენიშნავთ, რომ ისინიც ასე მოძრაობენ; ხოლო კი არ ამოდინან და ჩადინან, <sup>1)</sup> არამედ ცაზე წრეს აკეთებენ, თითქოს კალოს გარშემო უვლიანო. ყოველივე ამის მიხედვით უწინდელ დროში საუკეთესო მეცნიერებიც კი იყვნენ, რომ ეგონათ, მთელი ცა თავისი ვარსკვლავებით, მზით და მთვარით დედამიწას უტრიალებსო გარშემო, მაგრამ ბოლოს აღმოჩნდა, რომ ცა კი არ უტრიალებს დედამიწას, არამედ დედამიწა ტრიალებს თავის გარშემო, ისე როგორც ბზრიალა. ამგვარათ დედამიწა ტრიალებს თავის გარშემო და ამავე დროს მზეს უფლის კიდევ გარს. ეს რომ კოპერნიკმა გამოაცხადა, ყველამ გიჟათ ჩათვალა, ყველა გაიძახოდა: დედამიწა რომ თავის გარშემო ტრიალებდეს, მაშინ ქალაქებიც, სახლებიც ხეებიც უნდა ტრიალებდნო, ამას კი ვერაფერს ვერ ვხედავთო. როდესაც მატარებელი სწორ გზაზე სწრაფათ მირბის და არ ირყევა, ხშირათ გგონიათ, მატარებელი გაჩერებულიაო. ყოველივე რაც ეაკონშია: ხალხი, სკამები ავეჯები, ყველა მირბიან, მაგრამ თქვენ ამას ვერ ამჩნევთ, რადგანაც თქვენც მათთან ერთათ მირბიხართ. დედამიწაზედაც თუ ჩვენ ვერ ვამჩნევთ სხვა და სხვა საგნების ტრიალს, იმიტომ რომ ჩვენც მათთან ერთათ ვტრიალებთ. როდესაც მატარებელი მირბის, მაშინ რომ თანჯარაში გაიხედოთ, ასე გეგონებათ, თითქოს მატარებელი კი არა, მინდორი, ხეები და სახლები ტრიალებდნ და გარბოდნ: ყოველისთვის უახლოვდება მატარებელს, სწრაფათ გაირბენს თქვენ თვალწინ და გაქრება. მაგრამ თქვენ მათ რბენას არ უჯერებთ, გონება გეუბნებათ,

1) ზოგი ვარსკვლავი კი ამოდის და ჩადის, როგორც მზე.

რომ მატარებელი გარბის მხოლოდ და თვალს კი ეჩვენება, თითქოს მინდორი და ხეები გარბოდნენ. ცის ტრიალიც ასეთივე თვალის მოტყუებაა. დედამიწა ტრიალებს თავის გარშემო; რადგანაც დედამიწა ძალიან დიდია, ამ ტრიალის დროს ჩვენ და ყოველივე, რაც ჩვენ გარშემოა მიწაზე, გარბის; ჩვენ კი გვჯონია, ვითომ მზე და ვაესკვლევები გარბოდნენ და დედამიწას გარშემო უვლიდნენ. თავის გარშემო ერთხელ შემოტრიალებას დედამიწა ანდომებს ოცდა ოთხ საათს. დღე და ღამე თუ ერთი მეორეს ცვლიან, ეს დედამიწის ტრიალის ბრალია. დედამიწა თავის გარშემო ტრიალის დროს ხან ერთ მხარეს მიაქცევს მზეს, ხან მეორეს, ამიტომაც ხან დღე არის, როცა მზისკენ, ვართ, ხან ღამე. აქედან ცხადია, რომ, როცა ერთ ალაგას დღე არისა სხვა ალაგებში დედამიწის მეორე მხარეს ღამეა, რადგანაც ერთსა და იმავედროს მზეს არ შეუძლია მთელი დედამიწა გაანათოს. მოაბით ბურთის ძაფი და სანთლის წინ ატრიალეთ, ბურთზე პატარა ქალაღი მიაკარით; მაშინ დაინახავთ, რომ ეს ქალაღი ხან სანთლისაკენ იქნება, ხან არა.

ამგვართ ერთ დღე და ღამეს ანდომებს დედამიწა თავის ღერძზე შემოტრიალებას; მაგრამ ის ამავე დროს უფლის მზეს გარშემო და ამ გზას ანდომებს ერთ წელიწადს. რადგანაც წელიწადი შედგება 365 დღე-ღამისაგან, ამიტომ მზის გარშემო ერთხელ შემოტრიალების დროს დედამიწა 365-ჯერ შემოტრიალდება ხოლმე. იმ წრეს, რომელსაც დედამიწა მზის გარშემო ავლებს, ჰქვია დედამიწის ორბიტა. გამოანგარიშებულია, რომ მზესა და დედამიწას შუა არის 140 მილიონი ვერსია მანძილი, ამ ციფრის წყალობით შეგვიძლია გამოვიანგარიშოთ დედამიწის ორბიტაც ე. ი. იმ გზის რაოდენობა, რომელსაც დედამიწა გაივლის მზის გარშემო ერთხელ შემოტრიალებით; გამოანგარიშებულია, რომ ეს გზა უდრის 880 (რვაას ოთხმოც) მილიონ ვერსს. რვაას ოთხმოც მილიონ ვერსს გაირბენს დედამიწა 365 დღის განმავლობაში. რომ გავიგოთ, ერთ დღე და ღამეს რამდენს გაივლის, 880 მილიონი უნდა გავყოთ 365-

ათ; რაც დარჩება, ის რომ ოცდა ოთხათ გაეყოთ, გაეიგებთ, რამ-  
ხელა გზას გადის დედამიწა ერთი საათის განმავლობაში. ამგვარათ  
მივიღებთ, რომ დედამიწა ერთი საათის განმავლობაში გარბის ოთხ-  
მოცდა ცხრამეტი ათას ვერსს, ერთ წამში კი სამოცჯერ ნაკლებს ე.  
ი. ათას ექვსას ორმოცდა ათ ვერსს (1650). აი, როგორი სისწრა-  
ვით მირბის დედამიწა ცის სივრცეში და ჩვენც თან მიგვარბევინებს!  
თუ ამ სისწრაფეს ჩვენ ვერ ვამჩნევთ, იმიტომ რომ ყოველივე,  
რაც კი ჩვენ გარშემოა დედამიწაზე, ჩვენთან ერთათ მიჰყვება დე-  
დამიწას: ხშირათ, როცა მატარებელი ჩქარა გარბის და არ ტოკავს,  
შიგ მჯდომს ჰგონია, თითქოს მატარებელი გაჩერებული არისო. მზე  
დედამიწას აძლევს სინათლეს და სითბოს. დედამიწის ზოგი  
ალაგი უფრო თბილია, ზოგი უფრო გრილი, ზოგან ცივა,=ყოვე-  
ლივე ამის მიზეზი ის არის, რომ დედამიწა რგვალია, და ამიტომ მის  
ზედაპირზე ზოგან მეტი სხივი ეცემა მზისა, ზოგან ნაკლები, რომელ  
ალაგასაც მეტი სხივი მოუდის, ის რასაკვირველია, უფრო თბილიც  
იქნება. მაგრამ ერთსა და იმავე ალაგას წლის განმავლობაში სითბო  
იცვლება. მაგალითათ ჩვენში და უმეტეს ალაგას ოთხი დრო იცის:  
გაზაფხული, ზაფხული, შემოდგომა და ზამთარი. რა არის ამის მი-  
ზეზი? რატომ სულ ერთი დრო არ არის ხოლმე მთელი წლის გა-  
ნმავლობებში? ასტრონომები ამასაც დედამიწის ტრიალით ხსნიან,  
მაგრამ ეს ახსნა პატარა მკითხველისათვის ძნელი გასაგებია და ამი-  
ტომ ისევ იმ დრომდის უნდა გადავდეთ, სანამ „ჯეჯილის“ პატარა  
მკითხველი არ წამოიზრდება.

დედამიწის სამი მეოთხედი ზღვას უკავია და მხოლოდ ერთი  
მეოთხედი ხმელეთს.

კანო.



## ქველი საბერძნეთი.

(ზღაპრული ამბავი).

(თაკმანა)



ოდისეის ფეაკებთან უაფხა.

მკუნძულს, რომელსაც ოდისეი მი-  
აღვა, სქერია ერქვა. იქ მდიდარი ვა-  
ჭარი ხალხი, ფეაკები ცხოვრობდნ.  
ფეაკებს ცამეტი მფლობელი განაგებ-  
და. იმათში ალკონი ყველაზე უფრო-  
სი იყო: იგი სარდლობდა საერთო  
ჯარს; იყო უფროსი მსაჯული და უფ-  
როსი ქურუმი. ყველა მცხოვრებლე-

ბის მაგიერათ ის სწირაედა ღმერთებს მსხვერპლს. ალკინოს ბაზილევს  
(მეფეს) უძახდნ, დანარჩენებს კი ფრისთაეებს (თავადებს). ხალხს ალკი-  
ნო ძლიერ უყვარდა და დიდ პატიესა სცემდა. მის ცოლ არეტას, რო-  
გორც ოჯახში ისე ქალაქშიაც, სიყვარული და პატივი ჰქონდა დამ-  
სახურებული. ფეაკები როგორც ღეთაებას ისე უყურებდნ. ქალაქ-  
ში რომ გაივლიდა, ხალხი ტაშის კვრით ეგებებოდა. ხშირათ მამა-  
კაცები დავის გადასაწყვეტათ იმას მოიწვევდნ ხოლმე. მეფე ალკი-  
ნო და თავადები მაგარ კვლევით გარ შემორტყმულ ქალაქში  
ცხოვრობდნ. ზღვიდან ქალაქის მისადგომი საუცხოეო ნავთ-საყუ-  
დელს წარმოადგენ და. იქ მუდამ მრავალი ხომალდი იყო გაჩერებუ-  
ლი.—ნაპირზე დიდი სავაჭრო მეიდანნი იყო. შუა მეიდანზე პოსეი-  
დონის სადიდებლათ ამართული იყო დიდი ტაძარი.—მეიდანს გარს  
დიდრონი შენობები ჰქონდა შემორტყმული, იმათში მრავალი სა-



ხომალდო იარაღები ინახებოდა: იალქნები, ნიჩბები, ბაგირები (მსხვილი თოკები) და სხვ. ქალაქს გარს ევლ-მინდორი და ვენახები ერთყა—ქალაქის შენობებში ყველაზე შესანიშნავი მეფე ალკინოს სასახლე იყო. დიდი და განიერი კარები ოთხკუთხ ეზოში შედიოდა. ეზო ირგვლივ მრავალი შენობებით იყო შემოზღუდული: იქ იყო მონების სახლი, საკუჭნაოები, აბანოები, წისქვილები, თავლები, აქვე იყო სასტუმრო ოთახებიც. შუა ეზოში ზევისის სამსხვერპლო იყო ამართული. ამ ეზოდან განიერი ტალანით შედიოდნ სამამაკაცო დარბაზში—„სანადიმო დარბაზში“. დარბაზს მდიდრულათ მორთული კარები ჰქონდა; წმინდა (ხალასი) ოქროსაგან იყენ ჩამოსხმული და ვერცხლის კოჭაკებზე ეკიდნ. ზღრუბელი თითბრისა იყო. კარების აქეთ-იქით ორი ძალი იდგა—ერთი ოქროსი, მეორე—ვერცხლისა. დარბაზის კედლებს თითბერი ჰქონდა გაკრული. კედლებთან გამართული იყო ძვირფასი ქსოვილებით დაფენილი ტახტები. ამ ტახტზე ნადირობნ დროს ალკინოს საპატიო სტუმრები ისხდნ ხოლმე. ტახტების წინ მალაღი შანდლები იდგენ; ისინი წარმოადგენდნ ოქროსაგან ჩამოსხმულ ბავშებს, რომლებსაც ხელში სანათები ეჭირათ. დარბაზში თავიდან ბოლომდის ორ-რიგათ იყო გამწკრივებული სვეტები, ჭერს შუაში სანათური ჰქონდა დატანებული, იქიდან შემოდიოდა დარბაზში სინათლე და იქვე ადიოდა კერიდან კვამლი. კერა მარჯვენა კუთხეში იყო: იქ ამზადებდნ საქმელს, ზამთარში ის ათბობდა დარბაზს.

სამამაკაცო დარბაზიდან სხვა ტალანით ქალების დარბაზში (საჯალაბოში) გადიოდნ: იქ იმყოფებოდნ: დიასახლისი, ქალიშვილები და მოსამსახურე გოგოები, აქვე ხელსაქმეს აკეთებდნ. ეზოს გარშემო იყო დიდი ბაღი მალაღი კედლით შემოვლებული. ბაღში იდგა ვაშლი, მსხალი, ბროწეული, ზეთისხილი. მზის გულზე გაშენებული იყო ვენახი, ბაღის ბოლოში იყო ბოსტანი. მთელ ბაღს გარს პატარა წყალი უვლიდა. თვით სასახლის წინაც წყარო ამოჩუხჩუხებდა.

ოდისეის ნაპოვნ თავშესაფარში ტუბილათ ეძინა, ამ დროს წყლის  
 შესართავთან ეტლით მიედა ალკინოს ქალიშვილი ნავსიკაია. ბა-  
 ტონიშვილი და მოსამსახურეები საცვლებს რეცხვას შეუდგენ, რე-  
 ცხვა რომ გაათავეს თეთრეული ზღვის პირას მზეზე დაჰტინეს გასა-  
 შრობათ. სარქცხს რომ მორჩენ, იბანავეს, ტანი ზეთით დაიზილეს  
 და შემდეგ იქვე ბალახზე დასხდნ პურის საქმელათ. სადილს შემ-  
 დეგ ნავსიკაიამ და მისმა მოახლეებმა ბურთის თამაში დაწყეს. თა-  
 მამობას რომ მორჩენ ნავსიკაიამ ერთ მოახლეს ბურთი ესროლა.  
 მაგრამ ღმერთა ათინამ აცდინა ბურთი მოახლეს, და ბურთი წყალ-  
 ში გადაგორდა. ამის დანახვაზე ქალებმა კივალა მორთეს და ოდი-  
 სეი გამოაღვიძეს. ნაპძინარევი ოდისეი, სანამ მიხვდებოდა რაში იყო  
 საქმე, შეშინდა. მაგრამ მალე გონს მოვიდა და მიმართა ნავსიკაიას  
 შემდეგი სიტყვებით: „გთხოვთ შემობრალეთ. აქ ყველაფერი ჩემთვის  
 უცხოა. მიმასწავლე ქალაქის გზა, მაგრამ ჯერ მიბოძე რამე ტანისა-  
 მოსი“. ნავსიკაია მოახლეებს დაუძახა, რომლებიც უიშისაკან მიმა-  
 ლულიყვენ, და უთხრა: „რისა გეშინიათ. ეს საწყალი მგზავრია.  
 ჩვენი ვალია ეუშველოთ. მგზავრი და მთხოვარი ზეცისკან არის გა-  
 მოგზავნილი. ჩვენ რომ გაჭირებულს ეუშველოთ, იმას იამება. წა-  
 დათ და მოუტანეთ ტანისამოსი და სასმელ საქმელი“. მოახლეებმა  
 იქ წამსვე შეასრულეს ბატონიშვილის ბძანება. ოდისეიმ ტანი დაი-  
 ბანა, ჩაიცვა ტანისამოსი და დანაყრდა. სახლში დაბრუნების დრო-  
 მაც მოაწია. ნავსიკაიამ შეება ეტლში ჯორები, დაუღო თეთრეული  
 და ქალაქისკენ გაემართა, თან ოდისეიც მიიწვია. თითონ ნავსიკაია  
 დაწინაურდა. ეზოში ძმები მოეგებენ, გამოუშვეს ჯორები და კა-  
 ლათი თეთრეულით სასახლეში შეიტანეს. ქალაქში რომ შევიდა,  
 ოდისეიმ ერთ ქალს თხოვა ეჩვენებინა ალკინოს სასახლის გზა. ქა-  
 ლმა ასწავლა და ოდისეი მალე მივიდა მეფის სახლთან. გაიარა ეზო,  
 მაგრამ „სანადიმო დარბაზში“ შესვლა ვეღარ გაბედა და კარის წინ  
 გაჩერდა. იქადა დაინახა მანადიმე ალკინო მისი სტუმრებით; ბო-  
 ლოს შებედა ოდისეიმ, შეედა დარბაზში და პარდაპირ კერასკენ



გასწია. კერასთან მეფის მეუღლე არეტა იჯდა და მოსამსახურებთან ერთათ მატყლს ართავდა. ოდისეი მიუახლოვდა, მოეხვია მუხლებზე და უთხრა: „გთხოვ, მეფავ, შენ მეფეო, და თქვენ მონადიმენო! შემეწიეთ და ხელი გამიმართეთ სამშობლოში დასაბრუნებლათ, რომელსაც დიდი ხანია მოწყვეტილი ვარ!“ თქვა და კერასთან ნაცარზე დაჯდა. ესე უნდა დაემცირებინა თავი ყველას, ეინც კი მასპინძლობას, შემწვობას, გაკითხვას ითხოვდა. ერთმა პატროსანმა მოხუცმა ურჩია ალკინოს მიეღო მთხოენელი ზეესის გულისთვის, რომელიც ჰუდამ მკზავრის მფარველი იყო. ალკინო წამოდგა, ააყენა ოდისეი ნაცრიდან და თავის გვერდზე დაისვა. ალკინოს ბძანებით მოახლემ მოუტანა ოდისეის ვერცხლის ტაშტი, ოქროს სურით და ხელი დააბანინა, მეორემ წინ მაგიდა დაუდგა, მესამემ მოუტანა პური, ხორცი, მწვანილი და ღვინო. დიდი ხანი იყო ოდისეის ესე გემრიელათ პური აღარ ეჭამა.

სადილს შემდეგ სტუმრებმა თასები ღვინით გაიმსეს; თავი უქციეს იატაკზე მკზავრთა მფარველის ზეესის სადიდებლათ და დალიეს. სტუმრები წავიდ-წამოვიდენ, ალკინომ მეორე დღეს დილისთვის ყველა მოიწვია რჩევასზე, რომ როგორ გაესტუმრებინათ ახალი სტუმარი სამშობლოში. სტუმრები წავიდენ, დარბაზში დარჩენ სახლის პატრონები და ოდისეი. მოახლეები ჭურჭლის ლაგებას შეუდგენ. მეფემ უბრძანა იმათ ოდისეისთვის სასტუმრო სახლში საწოლი მოემზადებინათ.. ოდისეი გამოეთხოვა მასპინძლებს და დასაძინებლათ წავიდა. მოახლეებმა სანათით მიაცილეს ბინამდის. დილით ალკინო და ოდისეი მეიდანზე გავიდენ. იქ ფეაკები საქმეების გადასაწყვეტათ იკრიბებოდენ ხოლმე. ამ დროს ღმერთა ათინა გზარის სახით დადიოდა ქუჩა-ქუჩა და ყველას კრებაზე იწვევდა. მთელი მეიდანის ხალხით გაივსო. თავ-თავის ადგილზე ყველა რომ დაჯდა, ალკინო წამოდგა და დაიწყო:

„ფეაკენო! უცხოელი სტუმარი გვთხოვს დახმარებას სამშობლოში დასაბრუნებლათ. ჩვეულება გვეუბნება რომ თხო-

ენა უნდა აეუსრულოთ, ამიტომ გამართეთ ახალი ხომალდი, აარჩიეთ საუკეთესო მენიჰბეები. მერე მოვიდენ ჩემთან ჩხეულნი და გემრიელი სადილი მოიმზადონო. შეატყობინეთ ყველას რაც ვთქვი.“ ესა თქვა, მერე მიუბრუნდა ერისთავებს და თავისთან სანადიმოთ მიიწვია. გასამასპიმძღვებლათ ალკინომ დააკვლევინა 12 ცხვარი, ორი ხარი და რვა ც ლორი. ნადიმზე მოიწვიეს ბრმა მომღერალი დემოდოკი. დაუკრა კითარაზე (სიმიანი საკრავი, ლირას მსგავსი) და თანაც დამღერა. ტროიას ომიანობაზე მღეროდა. ოდისემ თავი ველარ შეიკაფა და ტირილი დაიწყო. ალკინო გაკვირვებით უყურებდა ოდისეის. სტუმრის გასამხიარულებლათ, ალკინომ ბძანა გამართათ ჭიდაობა, კრივი, გაჯიბრება სირბილში, დისკოს სროლაში, ყველა მეიდანზე გავიდა. ფალანგებს ხალხი გარს შემოეხვია. თავადებიდან გამოვიდა რამდენიმე კეთილშობილი ჭაბუკი და თამაშობას თავი აართვა. შემდეგ ალკინოს უფროსი შვილი მივიდა ოდისეისთან და თხოვა იმასაც ეჩვენებინა თავისი უნარი რომელიმე თამაშში. ოდისემ უპასუხა: „მე ახლა თამაშობის გუნებაზე ვერა ვარო“. ერთმა ჭაბუკმა ოდისეის უარზე დაცინვის კილოთი წარმოთქვა: „მე კი მკონია, რომ მაგან არც ერთი თამაში არ იცის. ეგ იმისთანას არ ჰგავს, უთუოთ ვაჭარი ვინმეა, რომელმაც მოგების მეტი არა იცის რა“-ო. ეწყინა ოდისეის, ადგა თავის ადგილიდან, დაავლო ხელი ყველაზე დიდ ქვის დისკოს და დანიშნულ მიზანს გადააცილა. აქ ყველა გაოცდა, ხოლო დამცინავი ჭაბუკი სირცხვილით ოდისეის ველარ დაენახვა. თამაშობის შემდეგ ახალგაზდებმა იცეკვეს, თან მღეროდენ და ლირაზე უკრავდენ. მორჩენ სტუმრის გასამხიარულებლათ დაწყობილ ლხინს, ალკინო ადგა და მიუბრუნდა თავადებს შემდეგი სიტყვით:

„მომისმინეთ, თავადნო ფეაკისანო! ჩვენი ჩხეულებია, რომ სტუმარი დავსაჩუქროთ. მოატანინეთ თქვენ თქვენი საჩუქრები და თქვენი ხელითვე მიართვიეთ სტუმარს.“ თავადებმა მოიწონეს ალკინოს სიტყვა. მალე მოატანინეს სასახლეში საჩუქ-

რები, ჩაწყვეს ძვირფას სკივრებში, რომლებიც ალკინომ მიუბოძა სტუმარსა. საღამოს ნადიმზე ოდისეი ისევ ალკინოს გვერდით იჯდა. დაუძახეს დემოდოკს, იმან ხელ ახლათ ტროიას აღებაზე დაიწყო მღერა, და სწორეთ იმას მღეროდა, როგორ აიღეს ქალაქი ოდისეის მოგონილი ხერხით, ამის მოგონებაზე ოდისეიმ კვლავ ტირილი დაიწყო, ალკინომ რომ ეს შეამჩნია, წარმოთქვა: „მომისმინეთ თავადნო ფეაკისანო! დაიწყო თუ არა მომღერალმა, ჩვენი სტუმარი დაღონდა. მაშ გაჩუმდეს დემოდოკი, ჩვენთვის ყველასთვის სასიამოვნო იქნება, თუ სტუმარი ამით გამხიარულდება. თქვენ იცით, რომ ყველაფერი უკვე მზათ არის სტუმრის გასასტუმრებლათ. ნათქვამია, შემწეობის მთხონებელ მგზავრს, მოექცევი ვით ღვიძლ ძმასაო. ახლა, მგონია, დადგა დრო ვკითხოთ სტუმარს მისი ვინაობა. — სახელი; ვინ ან რა გვარისაა იგი“. შემდეგ ალკინო მიუბრუნდა ოდისეის: „ჩვენო სტუმარო, გვითხარი შენი სახელი; რომელი ქვეყნის, რომელი ტომისა ხარ? გვიამბე გულ ახლით, როგორ მოხვედი ჩვენ ქვეყანაში, რომელი ზღეები და ქვეყნები გამოიარე. აგვიხსენ, რათ სტირი ეგრე მწუხარეთ, როცა გაიგონებ ტროიაზე სიმღერას... მოგვეც პასუხი ყველა ამ კითხვებზე!“ — ოდისეიმაც შეუსრულა თხოვნა სტუმართ მოყვარე ალკინოს, ჯერ თავისი და თავისი სამშობლოს სახელი უთხრა, მერე უამბო ყველა თავ-გადასაყალი, ყველა ბედი და უბედობა, რაც კი გამოიარა, ტროიიდან წამოსვლის შემდეგ ფეაკების კუნძულზე მოსვლამდის.

ოდისეი უამბობს თავის მოგზაურობას.

ოდისეის ნაამბობიდან ალკინომ და მისმა სტუმრებმა აი რა შეიტყვეს. პირველათ ტროიიდან წამოსული ოდისეი ჯერ აღვლევებულმა ზღვამ აფრიკის ნაპირებზე მიაყენა, იქიდან სიცილიის კუნძულს. აქ ოდისეი და მისი თანამგზავრები კინალამ დაიღუპენ, სიცილიის კუნძულზე ცალ თვალა (დევეები)—ციკლოპებმა ცხოვრებდენ. ველური იყო მათი ცხოვრება; პური არა ჰქონდათ, სახლების შენება არ იცოდენ და თავისი საქონლის ჯოგებით გამოქვაბულებში ცხოვრებდენ, მიწის მუშაობისა არაუფერი გაეგებოდათ, ვენახების გაშენება არ იცოდენ, მისდევდენ მარტო საქონლის მოშენებას: დიდ ძალი თხა და ცხვარი ჰყავდათ. ციკლოპებმა არ იცოდენ საზოგადოებრივი ცხოვრე

ბა, არა ჰქონდათ არც ბუდე, არც ერობა. ყოველი ოჯახი ცალკე ცხოვრებდა, სხვაზე არაფისზე ზრუნავდა, სტუმარ-მასპინძლობა არ იცოდა.

კუნძულის თვალყურების დროს ოდისეი რამდენიმე ამხანაგით ციკლოპი პოლითემის გამოქვაბულში შევიდა, პოლითემი შეილი იყო ღმერთი პოსეიდონისა. ქვაბს ბერძნები გოაცებით ათვალყურებდნენ. ამ დროს პოლითემიც მოვიდა. პოლითემი ისეთი დიდი რამ იყო, რომ ბერძნებს ტყიან მთის წვერათ ეჩვენათ. ოდისეიმ თხოვა პოლითემს რომ მათთვის მგზავრთ-მფარველი ზევისს გულისთვის მასპინძლობა გაეწია. პოლითემმა დაცინვით უთხრა: ზევისი რას მიქვიაო. სტაცა ამის შემდეგ ოდისეის ორ თანამგზავრს ხელი და შეჭამა. ბერძნებს თავზარი დაეცათ, წასვლა გვიანლა იყო, პოლითემმა ქვაბს უშველგებელი ღოღი მიაფარა. იმათ შიშს სამზღვარი აღარა ჰქონდა, როცა პოლითემმა გამოუცხადა ყველას დაგჭამთო. რომ სიკვდილს გადარჩენოდა, ოდისეიმ ხერხს მიმართა. პოლითემი შინ არ იყო, ბერძნებმა დაინახეს ქვაბის კუთხეში მისი კეტი, რომელიც დიდი ხომალდის ანძასა ჰგავდა. ოდისეიმ უბძანა ამხანაგებს კეტიდან მოეჭრათ ნაწილი, და თვითონ წვერი გაუთალა; და იქვე ნაგავში ჩაფლეს (ნაგავი ქვაბში ბლომით იყო). საღამოზე პოლითემი დაბრუნდა და კიდევ ორი ოდისეის თანამგზავრი შეჭამა. ოდისეი მივიდა ციკლოპთან და უშველგებელი თასით ღვინო შესთავაზა. პოლითემმა სიამოვნებით დალია ღვინო; მერე ჰკითხა ოდისეის სახელი და საჩუქარსაც დაჰპირდა. ოდისემ ნამდვილი სახელი არ უთხრა. — „არაფინ“ მქვიაო. მაშინ პოლითემმა ბოროტი დაცინვით უთხრა ოდისეის: „გულ კეთილო არაფინ, შენ ყველაზე ბოლოს შეჭამ; აი ჩემი საჩუქარი“. ამას შემდეგ პოლითემმა დალია კიდევ ორი თასი ღვინო, დაეგდო და დაიძინა. ოდისეიმ და მისმა ამხანაგებმა მაშინვე ამოიღეს ნაგვიდან წვერ გათლილი პალო; წვერი ცეცხლზე მოუწვეს; გაახურეს, ძიბუნეს და პოლითემს ერთათ ერთ თვალში მძლავრათ ჩაურქეს. ციკლოპი წამოხტა და გამწარებულმა ღრიალი შექნა. იმის ყვრილზე მოგროვდნენ სხვა ციკლოპები და ჰკითხავდნენ, რა დაგემართა, ვინ არის დამჩაგრელიო. პოლითემმა ქვაბიდან უპასუხა: „არაფინ, არაფინ! მაგრამ „არაფინ“ მე ვერას მიზამდა, რომ თვითონ ჩემი ბრალი არა ყოფილიყო“. — ციკლოპებს ეგონათ პოლითემი ჭკუაზე შემოლილო და თავი დაანებეს, თავის ქვაბებში წაიღ-წამოვიდნენ.

კოტე.

(შემდეგი იქნება)



## პატარა სამხარეულო

ერთხელ ერთმა მეფემ ინახულა ერთი მდიდარი კაცი, რომელმაც დაატარა ის ეველა თავის დიდ და მდიდრულათ მორთულ ოთახებში და აკრეოვე უჩვენა მას თავისი სამხარეულო, რომელიც საოცრათ პატარა იყო. გაკვირვებულმა მეფემ ჰკითხა: „რატომ არის ეს, რომ ასეთ დიდ სახლში ასეთი პატარა სამხარეულო გაქვსო?“

მაშინ მდიდარმა მიუგო: „პატარა სამხარეულომ გამიკეთა ჩემი დიდი სახლიო.“

ბესარიონ ვაშაძე.



ორი მეცხვარე.

იგავი.

ზუმრეტის ფრთა ამაწვანებულ იალღსე ერთმა მეცხვარემ გამოტეკა ათასი სული ცხვარი. ერთ ხელში მხარსე გადაებული დიდი კომბალი ეჭირა, მეორე ხელით დაინჯი ჰქონდა გაკეთებული; უკან საჭის ოდენა ქოფაკები მოსდევდენ. წინ შემოეყარა სხვა მეცხვარე, რომლის ფრთაც ორასს ძლივს აღემატებოდა. გადახვლო ამ ცხვარს

თვალი, ძლიერ ეცოტავა და ქილიკობით გამოეხმურა შესვედრილ მწვემს:

— ძმობილო, მე ვიცი, ვერ აუხვალ მაკოდენა ცხვრის მოვლას, დიდ ჯახაში იქნები; აბა მწვემსობასაც შენ დაიკვეხნებო!

— თუ ღმერთი გწამს, მიუკო მეორემ, ერთი მითხარ, ვის ეკუთვნის ეგ დიდი ფარა?

— ფარა ზემო-ბატონს ეკუთვნის და მე იმის მოჯამაგირე ვარო.

— გიშველა ღმერთმა, ნიძნის მოკებით უპასუხა მეორემ: შენ რომ სხვის ავლა-დიდებას მაკვეხებ, მე ჩემით როგორ არ ვიამაუო; ფარა ზატარა მეხვს, მაგრამ რაც არის, საკუთრათ ჩემიაო.

ზირველმა მწვემსმა შერცხვენით თაფი დაღუნა და გაუდგა გზას.


ალ. მ — შეილი.

### ვირის ეროყინი.

ერთმა კლესმა ვირით ჩაიარა სასწავლებლის კვერდით. დია ფანჯარასთან რამდენიმე ბავში იდგა; ამ დროს ვირმა მოართო ეროყინი. ბავშვებმა გადიხარხარეს და დაცინვით ჰკითხეს ვირის ზატრონს: „ეს სიმღერა შენ ასწავლე შენ ვირსო?“

„არა“, უპასუხა კლესმა, ჩემი ვირი არ მღერის, იმან მხოლოდ სიხარულით დაიუროყინა, როდესაც დაგინახათ ასეთი ბევრი ამხანაგებიო“.

ბესარიონ ეაშაძე.



ა ნ დ ა ზ ა.

(წარმოდგენილი ვანო ლალიაშვილისაგან).

პური და ღვინო ძველი სჯობს,  
ტანისამოსი ახალი,  
არ ვარგა კაცი უნიჭო,  
ამაყი, გულით მალალი.

გ ა მ ო ც ა ნ ე ბ ი

(ჩაწერილი მაგინე ამირეჯიბისაგან; გაგონილი კნ. ლიზა ფალავანდოვისაგან).

ერთი რამ უცხო ნადირი მინდორს დადის მწყერივითა,  
შეშა დააქვს, ცეცხლსა უფრთხის, მორცხვი არის ქალივითა.  
მე მინახავს თავადები მას დასდევენ ყმანივითა.

მოდგა და მოდგა ლაშქარი, მოდგა და მოიყარაო;  
უომრათ სისხლმა იდინა, უჩხუბრათ გაიყარაო.

ერთი რამე სულიერი დაიარება ჩოჩითა,  
ფეხებში ბორკილს შეიყრის, შეიღებს დაარჩენს თხოვითა,  
თუ თქვენ ამას გამოიცნობთ, ხვალ გაგიხსნილებთ გოჭითა.

(წარმოდგენილი სათავად-აზნაურო სკოლის მოსწავლე არჩ. გულისაშვილისაგან.)

ერთი რამა სულიერი  
გაიძვერა და კუდ გრძელი;  
ტანზე ასხია ბალანი,  
ზოგს თხელი და ზოგს კი სქელი.  
შინაური ფრინველისა  
არის ძლიერ დიდი მტერი,



მის ტუჩიდან ფრთა ბუმბულოსა,  
ვერ გამოლევს კაცის ხელი.  
სახუმარო კითხვები.

(წარმოდგენილი „პახულისაგან“).

- 1) წვერ ულვაშებიანი ვინ იზადება?
- 2) სინათლის დასასრული სად არის?
- 3) რას ვერ დაეწევი?
- 4) ფეხებზე ტყავი ვის აცეია?
- 5) ის რა ცხოველია, რომელიც როცა მიწაზე დადის ცას ვერ შეხედავს?

უჯრების ამოცანა.

(წარმოდგენილი მისგანვე)

1
2 3 4
5 6 7 8 9
10 11 12 13 14 15 16
17 18 19 20 21
22 23 24
25
26

- 13, 1 გაზაფხულის ყვავილი.  
10, 26, 12, 24, 20, 16 პატარა ქალაქი საქართველოში.  
9, 23, 3 ქალის სახელი.  
17 ერთი ხმოვანი ასო.  
8, 25, 11 ნოციერი სასმელი.  
2, 19, 21, 4, 22, 18, 5 ფრინველი.  
6, 7, 15, 14 ტანის შუა ნაწილი.

გამოიცანით ყველა ეს სიტყვები და ჩასვით ციურების კვალობაზე თითო ასოთ ზემოთ დახატულ უჯრებში და გამოვა ორი ჩვენი ნიჭიერი ქართველი მწერლების სახელი და გვარი.

შ ა რ ა დ ა.

(წარმოდგენილი მ. ლელაშვილისაგან).

პირველსა ვნახავთ ეზოში  
ორმოა, ცივი წყლიანი.  
მეორე ღამის ფრინველი,  
ბღღერიალა თვალებიანი;  
ყბათ აღებულნი ერისგან,  
ცხვირ კავა, ცუდი ხმიანი.




მესამე—სიტყვის დასკვნა!  
იმერთა, ზრდილობიანი.  
მთლათ—ახალგაზრდა, ძლიერი,  
მოხერხებული, ჭკვიანი,  
მარჯვე, მამაცი, კისკასი,  
ომშიაც შეგნის ხმლიანი.

რ ე ბ თ უ ს ი

(წარმოდგენილი კოდ. გაბიჩუაძისაგან)

ბ, დ




ქაღლი ბტეკს  
წოგოწ იგეკებს?

რ 20'ა, ბ, ი, თ, ვ, რ




ტეცსლის  
სინათლე.



ს, ტ

მეწცსლის  
გაღლაბა.



წელიწადის  
ეწთ ი დწთ.



ს, გ, რ



### № III გამოცანებისა.

აკროსტიხი: თავისუფლება.

გამოცანები: 1) კეერი და ხარები, 2) ჭინჭარი, 3) რწყილი.  
ეპიტეზისი: კაცი არ ვარგა სოფელში უმამულო და ეული.  
შარადა: ბურუსი.

რებუსი: ტანი გიგაეს აჯვის ხესა, სამოთხეში ამოსულსა, კბილი ხშირსა მარგალიტსა, სასურველათ მიწყობილსა; შენ ხომა ხარ უხო თემსა ვერა გნახავ აქ მოსულსა, თუ შენ გულით არ მიყვარდე ღმერთი ამომართმევს სულსა.

აკროსტიხი, გამოცანები, ეპიტეზისი, შარადა და რებუსი ახსნა: თუილისის სათავად-აზნაურო სკოლის მოსწავლემ არჩილ გულისა-შვილმა, მარტო შარადა იმავე სკოლის მოსწავლემ ი. ზედგინიძემ. ახალციხეში ყველა გამოცანები ახსნა: სამოქალაქო სას. მოსწავ. ბავრატ ბეთანიშვილმა, გორში: მოსწავ. კ. ფრონისპირელმა, ა. ქასარელმა, დათ. პეტრიაშვილმა და ბავრატ ვანელ-მესხელმა, გორის დედათა პროგ. მოსწ. ქალებმა: მარ. კლიმიაშვილმა, მარ. უთნელი-შვილმა, მარ. ჯაყაზიშვილმა, მარ. ჯულაბოვმა, ნინა კლიმიაშვილმა და ჯურუყვეთის სასოფლო სკოლის მესამე განყოფილების მოსწავლეებმა.

რედაქტორ-გამომცემელი ან. თუმანიშვილი-წერტილისა.

საქმწეილო ნახატებინი ჟურნალი

# „ჯ ე ჯ ი ლ ი“

წელიწადი მათე

გამოვა 1899 წელსაც თვეში ერთხელ იმავე  
პროგრამით, როგორათაც აქამდის.

ჟურნალი „ჯეჯილი“ მიღებულია თფილისის  
საეპარქიო და კავკაიის ოლქის სამოსწაელო რჩეეებნი-  
საგან სასწაელებლების სამკითხველოებში საკითხა-  
ეათ.

ჟურნალი „ჯეჯილი“ თფილისში დატარებით  
ღირს—4 მან. თფილისს გარეშე გაგზაენით 5 მან.  
ცალკე ნომრის ფასი თფილისში არის 50 კაპ.

ხელისმოწერა შეიძლება მხოლოთ წლით და  
ნახეერი წლით.

ხელისმოწერა მიიღება:

1) თფილისში—წერა-კითხვის გამ. საზოგა-  
დოების“ კანცელოარიაში (Дворцовая ул., д. Груз.  
Двор. № 101), და თეით „ჯეჯილის“ რედაქციაში  
(Артиллер. ул. № 5, возле Кадетского корпуса.

ფოსტის აღრესი: *Въ Тифлисѣ, въ редакцію  
грузинскаго дѣтскаго журнала „Джеджили“.*

0198/1

